



劔南詩彙目錄

卷第十

訪青神尉解僭景亭蓋山谷先生舊遊也

舟過玉津

叙州

三首

瀘州使君巖在

城南一里溪三丈有泉出其左音中律呂

木龍巖相距亦里許黃太史所嘗遊憩也

南定樓遇急雨

夜泊合江縣月中小

舟謁西涼王祠

風順舟行甚疾戲書

舟中對月 漁翁 涪州道中 涪州

北巖 平都山 忠州禹廟 忠州醉歸

舟中作 雨中遊東坡 龍興寺吊少陵

先生寓居 遊萬州岑公洞 萬州放船

過下巖小畱 白帝泊舟 醉中下瞿唐

峽中流觀石壁飛泉 莫次秭歸 歸州

重五 屈平廟 楚城 新灘舟中作

舟出下牢關 峽口夜坐 峽州甘泉寺

峽州東山 江上觀月 初發夷陵

舟中夜坐 初到荊州 醉歸 出遊

大堤 阻風 初發荊州 泊公安縣

劉郎浦夜賦 小雨極涼舟中熟睡至夕

岳陽樓 再賦一絕 蔡大風發巴陵

通濟口 醉書 南樓 黃鶴樓 頭

陀寺觀王簡栖碑有感 夜熱 舟中偶

書 燈下讀書 泊三江口 自雪堂登

四望亭因歷訪蘇公遺迹至安國院 月

下步至臨臯亭 發黃州泊巴河遊馬祈

寺 舟行蘄黃間雨霽得便風有感 南

烹 泊蘄口泛月湖中 初見廬山 六

月十四日宿東林寺 舟過小孤有感

雁翅夾口小酌 長風沙 泛小舟姑熟

溪口 明日再遊又賦 過采石有感

將至金陵先寄獻劉留守 登賞心亭

夜泊龍廟回望建康有感 將至京口

荆谿館夜坐 泝谿 歸雲門 月下自

三橋泛湖歸三山 懷成都十韻 湖村

秋曉 夜夢與宇文子友譚德稱會山寺

若餞予行者明日黎明得子友書感歎久

之乃作此詩 寒夜 偷閒 冬夜聞雁

有感 書懷 湖中莫歸 題齋壁 新

葺門屋 至吾廬 冬夜泛舟有懷山南戎

幕 夢至成都悵然有作首二月夕尚將

入閩夜行之雲門 山中觀殘菊追懷肩

山師伯渾 自雲門之陶山肩輿者失道

行亂山中有茅舍小塘極幽邃求見主人

不可意其隱者也 冬夜聽雨戲作首二

適閩 欲行雨未止 比作陳下瓜麴釀

成奇絕屬病瘍不敢取醉小啜而已 大

雨中離三山宿天章寺 早飯干溪蓋干

吉故居也 贈楓橋化城院老僧 雙橋

道中寒甚 行牌頭奴寨之間皆建炎末

避賊所經也 早發奴寨 題繡川驛

夜行宿湖頭寺 衢州道中作 過靈石

三峰首二 宿僊霞嶺下 道中病瘍久不

飲酒至魚梁小酌因賦長句 宿魚梁驛

五鼓起行有感首二 夢藤驛首二 梅花絕

句首十

劍南詩彙目錄

卷終

謝厠謝外姓劉朱曾雙齋

道中寒甚

行野更效察之間皆寒炎未

越知河野也

早發以某

隱巖山驛

交河濟城雨奇

澤州與中封

王和山

神龍生靈來小律開想

玉城

佛指

劍南詩彙卷第十

訪青神尉解俗景亭蓋山谷先生舊遊也

造朝下白帝吊古遊青神城頭三間屋聊得岸

我巾元祐太史公世寧有斯人瘴煙侵玉骨老

作宜州民至今杖屨地來者猶酸辛密竹翦已

空喬木亦半薪陂池獨渺然中有鷗鷺馴人生

能自足一尉可終身三歎下城去揆拖春江津

如舟過玉津

玻瓈江上送殘春
疊鼓催颿過玉津
蜀苑鶯花初破夢
巴山風月又關身
幅巾久已忘朝幘
短劔惟思隱市塵
莫倚諸公容此老
西曹郵許吐車茵

敘州

画船衝雨入戎州
縹緲山橫杜若洲
須信時平邊堠靜
傳烽夜夜到西樓

州治西樓

又

文章何臯觸雷霆
風雨南谿自醉醒
八十年間遺老盡
壞堂無壁艸青青

無等院山谷故居

又

楚梅吳檣又遠遊
浣花行樂夢西州
千尋鐵鎖還堪恨
空鎖長江不鎖愁

鎖江亭

瀘州使君巖在城南一里
溪三丈有泉出
其左音中律呂木龍巖
相距亦里許黃太
史所嘗遊憩也

雲間刀斗過邊州沙際丘亭艤客舟漲水方憂
三峽嶮短筇猶作兩巖遊蛟龍矯矯拏雲起琴
筑泠泠繞榻流未歿人生誰料得會來攜客試
茶甌

南定樓遇急雨

行遍梁州到益州今年又作度瀘遊江山重複
爭供眼風雨縱橫亂入樓人語朱離逢峒獠棹
歌欸乃下吳舟天涯住穩歸心嬾登覽茫然却

欲愁

夜泊合江縣月中小舟謁西涼王祠

懸瀑雪飛舞竒峯玉嶙峋搖碎一江月來謁西
涼神我雖不識神知是山水人不敢持笏來禔
褐整幅巾出我囊中香羞我南谿蘋杯湛玻瓈
春盤橫水精鱗出門意恹恹煙波浩無津安得

結茆地與神永爲隣

管管風順舟行甚疾戲書

管者遠戍南山邊軍中無事酒如川呼盧喝雉
連算夜擊兔伐狐窮歲年壯士春燕臥白骨老
夫晨鏡悲華顛可憐使氣尚未減打鼓順流千
斛船

舟中對月

劉選

百壺載酒遊凌雲醉中揮袖別故人依依向我
不忍別誰似峨嵋半輪月月窺船窗挂淒冷欲
到渝州酒初醒江空裊裊釣絲風人靜翩翩葛

巾影哦詩不睡月滿船清寒入骨我欲仙人間
夏漏不到處時有沙禽背船去

漁翁

劉選

江頭漁家結茆廬青山當門画不如江煙淡淡
雨疎疎老翁破浪行捕魚恨渠生來不讀書江
山如此一句無我亦衰遲慙筆力共對江山三
歎息

江山一
句此正深
于形容也

涪州道中

刀背詩

卷之十

及古

遠客喜歸路清遊逾咎聞雨添山翠重舟歷浪

花分洛叟經名世張侯勇冠軍郡境有伊川先生故居及張益

德祠懷人不可覲袖手對爐熏

涪州

古壘西偏曉繫舟倚欄搔首思悠悠欲營丹竈

竟無地地產丹砂不見荔枝空遠遊官道近江多亂

石人家避水半危樓使君不用勤畱客瘴雨蠻

雲我欲愁太守招飲辭不往

北巖有程正叔先生祠堂

艤船涪州岸攜兒北巖遊搖櫂橫大江褰裳踞

高樓雨昏山半失江漲地欲浮老矣寧再來為

作竟日畱烏帽程丈人閉戶本好修駭機一朝

發議罪至竄投黨禁久不解胡塵暗神州修怨

以稔禍哀哉誰始謀小人無遠略所懷在私讎

後來其鑑茲賦詩識巖幽

平都山忠州豐都縣

名山近江步蠟屐得閒行
犇鹿衝人過藏丹徹
夜明唐碑多斷蝕梁殿半欹傾
洞口雲常湧簷
牙柏再榮行逢負籠客
臥聽送船聲乞我誅茆
地靈苗得共烹

忠州禹廟

古郡巴蠻國空山夏禹祠
鴉歸暗庭栢巫拜薦
江籬艸蔓青緣壁苔痕紫
滿碑欲歸頻悵望回
棹夕陽時

忠州醉歸舟中作

耿耿船窗燈火明東樓飲罷恰三更
不堪酒渴兼消渴起聽江聲雜雨聲
坐首道塗悲驥老滿懷風露覺蟬清
蘭亭禹廟山如画安得飄然送此生

雨中遊東坡

木蓮花下竹枝歌歡意無多感慨多
更恐他年有遺恨曉來衝雨上東坡

龍興寺吊少陵先生寓居

中原艸艸失承平
戍火胡塵到兩京
扈蹕老臣身萬里
天寒來此聽江聲

以少陵詩考之蓋以秋冬間寓此州也寺

門聞江聲甚壯

遊萬州岑公洞

岑公隋時人居此二十年得道仙去

大業征遼發閭左
軍興書檄煎膏火
此時也復有閒人
自引巖泉拾山果
後六百歲吾來遊
洞中正夏淒如秋
乳石床平可坐臥
水作珠簾月

作鈞十年神遊八極表
浮名坐覺秋豪小
試問岑公迎我不
鶴飛忽下青松杪

萬州放船過下巖小畱

画舫四月滿旗風
飲散匆匆蠲首東
醉裏偏憐江水綠
意中已想荔枝紅
斷碑零落莓苔遍
幽澗淙潺略彳通
一疋寧無好東絹
憑誰画此碧玲瓏

白帝泊舟

客路閒無事津亭爽有餘
峽江春漲減灤岸夜
燈疎老矣孤舟裏依然
十載初倦遊息稅駕夏
覺愛吾廬

醉中下瞿唐峽中流觀石壁飛泉

吾舟十丈如青蛟
乘風翔舞從天下
江流觸地白鹽動
灩澦浮波真一馬
主人滿酌白玉盃
旗幟下画鼓如春雷
回頭已失灤西市
奇哉一削千仞之蒼崖
蒼崖中裂銀河飛
空裏萬斛傾珠璣
醉面正須迎亂點
京塵未許化征衣

算次秭歸

朝披南陵雲夕揖建平樹
啼鴉隨客檣落日滿
孤戍惡灘不可說
石芒森如鋸浪花一丈白
吹沫入窗戶是身初非我
底處著憂怖酒酣一枕
睡過盡鮫鱗怒欣然推枕起
曳杖散予步殷勤
沙際柳記我維舟處

關嶺歸州重五

刀向詩集

卷之十

及古詩

鬪舸紅旗滿急湍船窗睡起亦閒看屈平鄉國
逢重五不比常年角黍盤

屈平祠在州東南五里歸鄉沱蓋平居也

屈平廟

委命仇讎事可知章華荆棘國人悲恨公無壽
如金石不見秦嬰係頸時

楚城

江上荒城猿鳥悲隔江便是屈原祠一千五百
年間事只有灘聲似舊時

新灘舟中作

三峽新灘尤險今已平矣

江路桃花浪已生新灘穩過失崢嶸九年行半
九州地三峽歸無三日程繫纜便增筇杖興倚
窗時聽棹歌聲衰遲未覺詩情減又襲吳牋賦

楚城

舟出下牢關

大舸凌驚濤飛度青玉峽虛壁雲濛濛陰洞風
颯颯拂天松益偃入水山脚插炎曦忽摧破亭

金剛詩集 九
午手忘筮懸知今夜喜月白宿沙夾曠哉七澤
遊盟鷗不須軟

峽口夜坐

三峽至此窮兩壁猶峭立估船無時行婦盍有
夜汲風生樹影動月碎水流急艸根綴微露螢
火飛熠熠吾行已四旬纔抵楚西邑浩歌散鬱
陶還舟覺衣溼

峽州甘泉寺

江上甘泉寺登臨擅一州山亭喜無恙老子得
重遊灘急常疑雨林深欲偕秋歸途夏清絕倚
杖喚漁舟

峽州東山

十年不踏東山路今日重爲放浪行老矣判無
黃鵠舉歸哉惟有白鷗盟新秧刺水農家樂修
竹環溪客眼明已駕巾車仍小駐綠蘿亭下聽
鶯聲

江上觀月

暗浪衝舟鞆鞆聲夷陵城下正三更十分傾酒
禁風力一點無雲崇月明久坐不知衣露溼浩
歌時有水禽驚詩成莫駕長鯨去自是虛皇白

玉京

初發夷陵

雷動江邊鼓吹雄百灘過盡失途窮山平水遠
蒼茫外地關天開指顧中俊鶻橫飛遙掠岸大

魚騰出欲凌空今朝喜處君知否三丈黃旗舞
便風

舟中夜坐

風露浩無際星河淡欲傾遙知竝船客聞我詠
詩聲水鳥橫江去漁舟背月行神清不成寐隱
几待窗明

初到荊州

萬里泛仙槎歸來鬢未華蕭蕭沙市雨淡淡渚

宮花斷岸添新漲高城咽晚笳船窗一樽酒半
醉落烏紗

醉歸

持酒江頭到夕霏愁城頓覺解重圍澄波宜月
移船看醉面便風走馬歸末路已驚添白髮故
人頻報上黃扉彊隨官簿真成嬾乞我吳松舊
釣磯

出遊

萬里崎嶇蜀道歸荊州非復壯遊時行吟自怪
詩情減坐睡人驚酒量衰卷地風號雲夢澤黏
天艸映伏波祠一枝藤杖平生事擊鼓開帆未
恨遲

大堤

日晚大堤行莽然千里平天低垂曠野風壯撼
高城列肆居茶估連營宿戍兵纍纍北門堠淚
盡望神京

荊州距東都
纔十七八程

阻風

沙市三日風萬鼓鳴船頭欲去不得發臥對青
 燈幽聽兒誦離騷可以散我愁微言入孤夢况
 與屈宋遊睡起銅瓶響欣然喚茶甌吾道無淹
 速風伯非所尤

初發荊州

淋漓牛酒起檣干健艣飛如插羽翰破浪乘風
 千里快開頭擊鼓萬人看鵲聲不斷朝陽出旗

脚微舒宿雨乾堪笑塵埃洛陽客素衣如墨據
 征鞍

泊公安縣

劉選

秦關蜀道何遼哉公安渡頭今始回無窮江水
 與天接不斷海風吹月來船窗簾捲螢火鬧沙
 渚露下蘋花開少年許國忽衰老心折柁樓長

一作 笛哀

平生劉郎浦夜賦萬里守令平可三四好莫教

平生遠遊心眈眈萬里窄今年下三巴放浪浮
七澤菰蒲無遠近但覺風索索浪高星辰溼天
碧河漢白十年散醉髮未易著朝幘守符倘可
乞來作瀟湘客
春間小雨極涼舟中熟睡至夕始回無事山水
舟中一雨掃飛蠅半脫綸巾臥翠藤清夢初回
窗日晚數聲柔艣下巴陵

岳陽樓

身如病鶴短翅翎雨雪飄灑號沙汀天風忽吹
不得住東下巴峽泛洞庭軒皇張樂雖已矣此
地至今朝百靈雄樓岌業鎮吳楚我來舉手捫
天星帆檣纜放已隱隱雲氣亂入何冥冥鼃鼃
出沒蛟鰐橫浪花遮盡君山青黃衫仙翁喜無
恙袖劔近到城南亭眼前俗子敗人意安得與
翁同醉醒

再賦一絕

江風吹雨濯征塵百尺闌干爽氣新不向岳陽樓上醉定知未可作詩人

樂大風發巴陵

雪濺浪方作翠颭山欲浮奇哉萬頃湖著我十丈舟三老請避風叱去非汝憂神物識忠信壯士憎滯留擊鼓催挂帆揮手別岳州仰視群鵠翔下闖百怪囚衡湘清絕地恨不從此遊聊須百斛酒往醉庾公樓

通濟口

朝發嘉魚縣晚泊通濟口睡起喜微涼船窗一盃酒長魚吹浪聲恐人巨鼃露背浮齋淪今夕風生月復暗寄語舟人更添纜

醉書

青艸渡頭波接天山翁吟嘯自悠然朝餐偶過賣魚市晚泊時逢迎荻船投老未除遊俠氣平生不作俗人緣一樽酌罷玻璃酒高枕窗邊聽

雨眠

偶餘眉州酒一樽獨酌遂醉

南樓

十年不把武昌酒此日闌邊感慨深
舟楫紛紛南復北山川莽莽古猶今
登臨壯士興懷地忠義孤臣許國心
倚杖黯然斜照晚秦吳萬里入

長吟

黃鶴樓

手把仙人綠玉枝吾行忽及早秋期
蒼龍闕角

歸何晚黃鶴樓中醉不知江漢交流波渺渺
晉唐遺迹艸離離平生最喜聽長笛裂石穿雲何處吹

頭陀寺觀王簡栖碑有感

舟車如織喜身閒獨訪遺碑艸棘間
世遠空驚閱陵谷文浮未可敵江山
老僧西逝新成塋舊守東歸正掩關
笑我驅馳竟安往夕陽飛鳥亦

知還

庚寅過武昌與太守張之彥遊累日時頭陀有老僧持律精苦

夜熱

觸熱行萬里煩促誰可論泊船鄂州步終日如
炮燔搖扇腕欲脫揮汗白雨翻推枕再三起散
髮臨前軒秋近夏漏長天旱星宿繁甘澍何時
來太息憂元元鄂州頗
閔雨

舟中偶書

老子西遊萬里回江行長夏亦佳哉晝眠初起
報茶熟宿酒半醒聞雨來漢口船開催疊鼓淮
南帆落亞高桅四方本是丈夫事白首自憐心
未灰

燈下讀書

少年喜書策白首意未足幽窗燈一點樂處超
五欲而況黃州路小雨漁村宿蕭蕭蒹葭聲爲
我洗暑毒琅然誦經史少倦兒爲續何必效萊
公長夜醉画燭

泊三江口

遲明離武昌薄算次黃岡勿言觸熱行一雨三日涼北窗秋蕭蕭南窗江茫茫玄雲一池墨碧綫半篆香尙無車馬塵况復爭奪場徐行勿挂帆此樂殊未央

自雪堂登四望亭因歷訪蘇公遺迹至安

國院

我醉飛屐登孱顏拄杖出沒風煙間三山葱曨鮫鱔靜九關肅穆虎豹閑幾年金骨煉綠髓此

日始得窮躋攀老僊歸侍紫皇案空有野水流淙潺蜿蜒翠阜圍綠野似嶺非嶺山非山向來龍蛇滿雪壁雷電下取何時還名花亦已天上去居人指似題詩處九十一翁不識公我抱此

恨知無窮

定惠院已廢海棠亦不復在安國老僧景茲年九十一自言東坡去黃後

四年方生

月下步至臨臯亭

芒屨踏松陰迨此船未發清遊豈無伴三友風

露月山川鬱盤紆鷗鷺浩滅沒當年老先生想
像散醉髮浮生等昨夢久已埋玉骨吾儕幸彊
健何事拘簪笏

發黃州泊巴河遊馬祈寺

南望武昌山北望齊安城楚江萬頃綠著我画
舫橫雲帆不須挂鼉鼓不須鳴淡然隱曲几山
水相逢迎疎雨漏薄日非陰亦非晴晚泊巴河
市小陌聞屐聲紫髯刑馬地一怒江漢清中原

今何如感我白髮生

舟行蘄黃間雨霽得便風有感

天青雲白十分晴帆飽舟輕盡日行江底魚龍
貪晝睡淮南艸木俗秋聲好山縹緲何由住華
髮蕭條只自驚莫怪時人笑疎嬾宦情元不似
詩情

南烹

十年流落憶南烹初見鱸魚眼自明堪笑吾宗

輕許可坐令羊酪僭尊羹

泊蘄口泛月湖中

炎天倦長路月夕泛平湖
晃漾披銀闕清寒住
玉壺釣絲縈蓼荇蓬艇入菰蒲
自別蜻蜓浦斯遊十載無

予故廬在蜻蜓港東南暑月嘗與客泛舟至中夜

初見廬山

從軍憶在梁州日心擬西征艸捷書
鐵馬但息經太華布帆何意拂匡廬
計謀落落知誰許功

業悠悠定已疎尚喜東林尋舊社
月明清露溼芙蓉

六月十四日宿東林寺

看盡江湖千萬峯不嫌雲夢芥吾胸
戲招西塞山前月來聽東林寺裏鐘
遠客豈知今再到老僧能記咎相逢
虛窗熟睡誰驚覺野碓無人夜

自春

舟過小孤有感

小孤山畔峭帆風又見煙鬟縹緲中萬里客經
三峽路千篇詩費十年功未嘗滿箸蒲芽白先
看堆盤鱠縷紅商略人生爲何事一蓑從此入
空濛

雁翅夾口小酌

墟煙淡將散江雨細欲無回風吹衣襟晴光滿
菰蒲隱几樂此時清和如夏初犬吠船丁歸小
市得美蔬歡言酌清醪侑以案上書雖云泊江

渚何異歸林廬

長風沙

江水六月無津涯驚濤駭浪高吹花艣聲已出
雁翅浦荻夾喜入長風沙長風自古三巴路檣
竿參差雜煙樹南船北船各萬里淒涼小市相
依任歌呼雜沓燈火明黃昏風死浪亦平勞苦
舟師剩沽酒安穩明朝到池口

泛小舟姑熟溪口

姑溪綠可染小艇追晚涼棹進破樹影波動搖

星芒荻淡漁火明風遠水艸香尚想錦袍公醉

眼隘八荒坡陁青山冢斷碣臥道旁悵望不可

逢藥雲遊帝鄉

溪東南卽青山太白墓

賦風心長風自古三日

舟中如甌炊端坐畏暍死未能踏增水且復呼

艇子纖纖新月低玉鈎沈野水微風生蘋末塵

抱真一洗可憐黃山墻突兀暮煙裏依然十年

前看我行萬里兩槳且勿搖橫舟小灘尾得詩

偶長吟宿鷺爲驚起

過采石有感

短衣射虎早霜天歎息南山又七年唾手每思

雙羽箭快心初見萬樓船平波漫漫看浮馬

一作

淡高柳陰陰聽亂蟬明日重尋石頭路醉鞍誰

與共聯翩

將至金陵先寄獻劉畱守

梁益羈遊道阻長見公便覺意差彊別都王氣
半空紫大將牙旗三丈黃江面水軍飛海鶻帳
前羽箭射天狼歸來耍了浯溪頌莫笑狂生老
更狂

登賞心亭

蜀棧秦關歲月適今年樂興却東遊全家穩下
黃牛峽半醉來尋白鷺洲黯黯江雲瓜步雨蕭
蕭木葉石城秋孤臣老抱憂時意欲請遷都涕

已流

夜泊龍廟回望建康有感

我醉行水上身輕如飛煙魚龍互悲嘯伴我夜
不眠羽扇揮浮雲月挂牛斗間河漢橫復斜風
露方浩然坡陀石頭城寂莫七百年世事感予
懷竦身入青天

將至京口

臥聽金山古寺鐘三巴昨夢已成空船頭坎坎

回帆鼓旗尾舒舒下水風城角危樓晴靄碧林
間雙塢夕陽紅銅瓶愁汲中濡水不見茶山九

十翁

頃在京口嘗取中
濡水寄曾文清公

荆谿館夜坐

河漢無聲天正青三三五五滿天星艸根冷露
黏溼螢幽人岸中坐津亭憶下瞿唐浮洞庭陽
臺繫船夢娉婷朱門重重夜不扃四山猿鳥啼
青冥人生無帶風中萍幸我夢斷狂已醒繡韉

金絡帶萬釘何如故山鋤茯苓

沂谿

射的峯前禹廟東短蓬三扇臥衰翁閒攜清聖
濁賢酒重試朝南算北風水落痕畱紅蓼節雨
來聲滿綠蒲叢衝煙莫作匆匆去擬看溪丁下
釣筒

歸雲門

萬里歸來值歲豐解裝鄉墅樂無窮甌炊飽雨

湖菱紫箴絡迎霜野柿紅壞壁塵埃尋醉墨孤
燈餅餌對隣翁微官行矣聞山去又寄千巖夢
想中

月下自三橋泛湖歸三山

素壁初升禹廟東天風爲我送孤蓬山橫玉海
蒼茫外人在水壺縹緲中茅舍燈青聞吠犬蘋
汀煙淡見驚鴻白頭尙耐清寒在安得終年伴
釣翁

懷成都十韻

放翁五十猶豪縱錦城一覺繁華夢竹葉春醪
碧玉壺桃花駿馬青絲鞵鬪雞南市各分明射
雉西郊常命中壯士臂立綠條鷹佳人袍画金
泥鳳椽燭那知夜漏殘銀貂不管晨霜重一梢
紅破海棠回數葉香新早梅動酒徒詩社朝暮
忙日月匆匆迭賓送浮世堪驚老已成虛名自
笑今何用歸來山舍萬事空臥聽槽牀酒鳴瓮

北窗風雨耿青燈舊遊欲說無人共
林間
湖村秋曉

劔閣秦山不計年却尋剡曲故依然
盡收事業
漁舟裏全付光陰酒榼邊
平野曉聞孤唳鶴澄
湖秋浸四垂天九關虎豹君休問
已向人間得
地仙

夜夢與宇文子友譚德稱會山寺若餞予
行者明日犁明得子友書感歎久之乃作

此詩

夜夢集山寺二三佳友生相顧慘不樂
若有千里行在門僕整駕臨道騅嘶鳴
我友顧謂我天寒戒晨征遲速要當到
徐驅勿貪程叮寧及藥餌依依有餘情
隣鐘忽驚覺鴉翻窗欲明作詩謝我友
有使頻寄聲

寒夜

小隱謝城市新寒尋褐袍秋燈依壁
暗夜雨挾

風豪俗自隨時異身寧與世塵殘年更何事持
蟹酌松醪

偷閒

老向人間未拂衣偷閒聊喜息塵機丹楓斷岸
秋來早淡日孤村客到稀偶憶雪溪攜鶴去却
從雲肆買蓑歸酒徒莫笑生涯別久矣淵明悟
昨非

冬夜聞雁有感

從軍管戍南山邊傳烽直照東駱谷軍中罷戰
壯士閒細艸平郊恣馳逐洮州駿馬金絡頭梁
州毬場日打毬玉杯傳酒和鹿血女真降虜彈
箜篌大呼拔幟思野戰殺氣當年赤浮面南遊
蜀道已低摧猶據胡牀飛百箭豈知蹭蹬還江
邊病臂不復能開弦夜聞雁聲起太息來時應
過桑乾磧

書懷

初南詩集

卷之十

及古月

愁向東華蹋軟紅暫歸舊隱樂無窮石池洗藥
 涓涓水漁艇投竿嫋嫋風盡日醉醒菱唱裏隣
 家來往竹陰中何須列戟長安第四面雲山擁
 此翁
 空對湖中暮歸思
 弄檝漁舟水濺衣興闌却傍柳邊歸風平別浦
 沈新月日落前村鎖夕霏乍起鷺行橫野去欲
 栖鴉陣暗天飛詩情自合江湖老敢恨功名與

願違

題齋壁

葺得湖邊屋數椽茅齋低小竹窗妍墟煙寂歷
 歸村路山色蒼寒釀雪天性嬾杯盤常偶爾地
 偏雞犬亦翛然早知栗里多幽事虛走人間四
 十年

新葺門屋

林棲四壁空百事從簡易缺籬寒未補幽戶夜

不閉東偏欲廣屋厚費敢輕議設關力可具稚
子請遂事呀然兩竹扉寧復志容駟西山正當
前浩蕩納空翠下臨漁樵路橫鎖風月地惟愁
俗客來剝啄驚午睡

吾廬 羅選

吾廬雖小亦佳哉新作柴門斲綠苔拄杖每闌
歸鶴入釣船時帶夕陽來墟煙隔水霏霏合籬
菊凌霜續續開千里安期那可得笑呼鄰父共

傳杯

冬夜泛舟有懷山南戎幕

釣船東去掠新塘船近篷低露蕩香十里澄波
明白石五更殘月伴清霜飄飄楓葉無時下嫋
嫋菱歌盡意長誰信梁州當日事鐵衣寒枕綠
沉槍

夢至成都悵然有作

春風小陌錦城西翠箔珠簾客意迷下盡牙籌

閒縱博刻殘画燭戲分題紫氍毹暖帳中醉紅
叱撥驕花外嘶孤夢淒涼身萬里令人憎殺五
夏雞

又

宦途元不羨飛騰錦里豪華壓五陵紅袖引行
遊玉局華燈圍坐醉金繩階前汗血洮河馬架
上霜毛海國鷹世事轉頭誰料得一官南去冷
如水

月夕

開戶滿庭雪徐看知月明微風入叢竹復作雪
來聲俗塵不待掃凜然肝肺清村淡無漏鼓鶴
唳報三更

將入閩夜行之雲門

東鷺竝偏門籃輿兀睡昏紡燈穿壁罅吠犬闖
籬根久客悲行役清愁怯夢魂餘生猶幾出回
首付乾坤

山中觀殘菊追懷眉山師伯渾

空山菊花瘦如棘傾倒滿地枝三尺陰風冷雨
不相貸爛艸蒼苔共狼藉人雖委棄渠自香詎
必泛酒登華堂君不見仁人志士窮死眉山陽
空使後世傳文章

自雲門之陶山肩輿者失道行亂山中有
茅舍小塘極幽邃求見主人不可意其隱
者也

陂池幽處有茅堂井臼蕭條艸樹荒小鴨怯波
時聚散病蔬傷蠹半青黃童兒衝雨收魚網婢
子聞鐘上佛香我亦算年思屏迹數椽何計得
連牆

冬夜聽雨戲作

少年交友盡豪英妙理時時得細評老去同參
惟夜雨焚香臥聽画簷聲

又

遶簷點滴如琴筑支枕幽齋聽始竒憶在錦城
歌吹海七年夜雨不曾知

適閩

春殘猶看少城花雪裏來嘗北苑茶未恨光陰
疾駒隙但驚世界等河沙功名塞外心空壯詩
酒樽前髮已華官柳弄黃梅放白不堪倦馬又
天涯

欲行雨未止

幽幔依燈影空階送雨聲
暫歸仍客路投老倍鄉情
眼澀書難讀心搖夢易驚
病多常怕醉酒盡却思傾

翰乳比作陳下瓜麴釀成竒絕屬病瘍不敢取
長空醉小啜而已

翠蔓扶疎采擷忙麴生系出古淮陽
蹋成明月團團白釀作新鵝淡淡黃
醅甕秋淒驚凜冽糟牀夜注夢淋浪
西齋幽事新成譜首爲高人著

此方

泗方咎得之胡基仲

大雨中離三山宿天章寺

苦雨催寒不肯晴晚來餘勢更縱橫雲如山壞

長空黑風似潮回萬木傾要偕關河供遠眼不

辭泥淖困初程解衣一笑僧窗下幾兩青鞵了

此生

早飯于溪蓋千古故居也

劍外歸來席未溫南征浩蕩信乾坤峯回內史

曾遊地竹暗仙人舊隱村白髮孤翁鉏麥壠茜

帚小婦闖籬門行行莫動鄉關念身似流槎豈

有根

贈楓橋化城院老僧

老宿禪房裏深居罷送迎爐紅豆葺火糝白芋

魁羹毳衲年年補紗燈夜夜明門前霜半寸笑

我事晨征

雙橋道中寒甚

裂面霜風快似鎌重重裘袴晚仍添梅當官道
香撩客山逼籃輿翠入簾男子坐爲衣食役年
光常向道途淹古來共說還家樂豈獨全軀畏
楚鉗

行牌頭奴寨之間皆建炎末避賊所經也

今朝霜薄風氣和霽色滿野行人多沙平水淺
木葉下搖檝渡口生微波建炎避兵犇竄地誰
料白首重經過四十餘年萬事改惟有青嶂高
嵯峨安得西國蒲萄酒滿酌南海鸚鵡螺侑以
吳松長絲之玉鱠送以邯鄲皓齒之清歌向來
喪亂汝所記大地凜凜憂干戈偶然不死到老
大爲底苦惱朱顏酡

早發奴寨

暖徹衣篝蠟炬明鄰雞喔喔促殘夏丈夫雖有
四方志客子終悲千里行月落龍蛇蟠木影山
空風雨起灘聲上車莫恨晨霜冷又得脩途一

日晴雨後曉晴
四文題繡川驛

繡川池閣記曾遊
落日欄邊特地愁
白首即今

行萬里淡煙依舊送孤舟
歸心久負鱸魚膾
春色初回杜若洲
會買一蓑來釣雨
憑誰先為謝

沙鷗

夜行宿湖頭寺

臥載籃輿黃葉村
疎鐘杳杳隔谿聞
清霜十里

伴微月斷雁半行穿亂雲
去國不堪心破碎
平

戎空有膽輪囷泗濱樂石應如舊
誰勒中原第一勲

衢州道中作

耿耿孤忠不自勝
南來清夢遶觚稜
驛門上馬

千峯雪寺壁題詩一硯冰
疾病時時須藥物
衰

遲處處少交朋無情最恨寒沙雁
不為愁人說

杜陵

卷之十

及古

及古

及古

過靈石三峯

羅選

奇峯迎馬駭衰翁蜀嶺吳山一洗空
拔地青蒼五千仞勞渠蟠屈小詩中

又

羅選

曉日曛曛雪未殘三峯傑立插雲間
老夫合是征西將曾次先收一華山

宿僊霞嶺下

吾生真是一枯蓬行徧人間路未窮
暫聽朝雞

雙闕下又騎羸馬萬山中重裘不敵晨霜力
老木爭號夜谷風切勿重尋散關夢朱顏改盡壯

圖空

連日風霜可畏自去梁州未嘗有此寒也

道中病瘍久不飲酒至魚梁小酌因賦長

句

我行浦城道小疾屏杯酌癯疥何足言亦復妨
作樂此身會當壞百歲均電電胡為過自憺憊
臥困鍼烙未嘗膾噉喁况敢烹郭索今朝寓空

驛窗戶寒寂寞悠然忽自笑頓解貪夢縛紅燭
映綠樽奇哉萬金藥

非宿魚梁驛五鼓起行有感

憶從南鄭客成都身健官閒一事無分騎霜天

伐狐兔張燈雪夜擲梟盧百憂忽墮新衰境

笑難尋舊酒徒投宿魚梁溪遶屋五夏聽雨擁

篝爐

又

少時談舌坐生風管葛奇才自許同閉戶著書

千古計變名學劔十年功酒醒頓覺狂堪笑睡

起方知夢本空它日故人能憶我葛僊磯畔覓

漁翁 若耶溪有葛僊公釣磯

夢藤驛

倦馬投孤驛一峯青壓門蕭條秋浦路荒陋夜

郎村地瘴霜常薄林深日易昏百年常作客排

悶近清樽

劍南詩集 卷之十 及古閣

又

又入千山去真成萬里行今年自成都入千餘里起行在又千餘里

入履霜常早駕乘炬或宵征古驛怪藤合荒陂

群鴈鳴客中常少睡歸夢若為成

梅花絕句

空谷佳人洛浦仙洗粧真態更嬋娟廣平莫倚

心如鐵撩起清愁又破禪

又

月中疎影雪中香只為無言更斷腸曾與詩翁

定花品一丘一壑過姚黃曾文清公嘗問予梅與牡丹孰勝予以此

答

又

折得梅花愧滿顏文書堆案正如山輸君一覺

翛然夢長在清泉白石間

又

濯錦江邊憶舊遊纏頭百萬醉青樓如今莫索

梅花笑古驛燈前各自愁
萬柳青麝吹今莫索

又

蜀王小苑舊池臺
江北江南萬樹梅
只怪朝來

歌吹鬧園官已報五分開
成都合江園蓋故蜀別苑梅最盛自初開

監官日報府報至開五分則府主來宴遊人亦競集

又

湖上梅花手自移
予所居在山陰鏡湖
小橋風月最相宜

主人歲歲常為客
莫怪幽香怨不知

又

吾州古梅舊得名
雲蒸雨漬綠苔生
一枝只好

僧窗看莫售千金
入鳳城
山陰古梅枝幹皆苔蘚都下甚貴重之

又

探春歲歲在天涯
醉裏題詩字半斜
今日谿頭

還小飲冷官不禁看梅花

又

池館登臨雪半消
梅花與我兩無聊
青羊宮裏

應如舊腸斷春風萬里橋
飛雨無聊青羊宮裏

又

今年真負此花時
醉帽何曾插一枝
漸老情懷

多作惡不堪還作送梅詩
去年在成都嘗賦詩送梅

又

會商首莫書千金人
厚如

晉州古詩書

劍南詩彙卷第十

劍南詩彙目錄

卷第十一

對酒遣興 建安雪 雪晴至後園二首

開元莫歸 書懷 遊鳳皇山 園中

雜書四首 烹茶 病中久止酒有懷成都

海棠之盛 北齋 出塞曲 息故山

送錢仲耕修撰 建寧重五 雨晴至園

中 夏日三首 發書畫還故山戲書興白

髮 懷譚德稱 客思首二 建安遣興首六

病起偶到復菴 前有樽酒行首二 遊

南塢院 感懷 雨夜 夜坐偶書 長

歌行 雨夜不寐觀壁間所張魏鄭公砥

柱銘 客談荆渚武昌慨然有作 書懷

平生 自詠 池亭夜賦 雨夜偶書

思歸 客懷 伏中官舍極涼戲作

夢與劉韶美夜飲樂甚 暑夜 客意

夜香 柴懷叔殿院世綵堂 月夜 雙

清堂夜賦 采蓮首三 橋南納涼 芒屨

荔子絕句首二 官舍夙興 書懷 風

月 大將出師歌 婕妤怨 移疾 病

中懷故廬 夏夜不寐有賦 綠淨亭晚

興 憶山南首二 夕雨首二 試茶 莆陽

餉荔子 初秋書懷 建州絕無芡意頗

思之戲作 憶簪 客思 初秋夢故山

覺而有作首四 寓歎 雙清堂醉臥 醉

書 憶唐安 秋懷首二 晝臥聞碾茶

月下獨行橋上 夜意 秋夜書懷 思

故廬 雨夜 北窗哦詩因賦首二 俶裝

追感梁益舊遊有作 莆陽昭武延平

送兵漸集戲書 別建安絕句首三 初發

建安 宿北巖院 書感 長汀道中

黃亭夜雨 遊武夷山 泛舟武夷九曲

溪至六曲或云灘急難上遂回首二 崇安

縣驛 過建陽縣以雙鵝贈東觀道士為

長生鵝觀俯大溪鵝得其所矣武夷險絕

處有仙船架崖壁間數日前大風吹墮船

木數寸堅硬如石予偶得之皆此行奇事

也各賦一詩 右雙鵝 右墮木 紫谿

驛首二 鵝湖夜坐書懷 信州東驛晨起

玉山縣南樓晚望 玉壺亭 步過縣

南長橋遊南山普寧院山高處有堦院及

小亭縹渺可愛恨不能到 枕上感懷

晚過招賢渡 臥輿 奏乞奉祠留衢州

皇華館待命 寓舍偶題 夙興 夜坐

偶得石室酒獨飲醉臥覺而有作 午

睡 贈柯山老人 寓館晚興 葉相最

高亭 婺州州宅極目亭 謝演師送梅

二首 訪毛平仲問疾與其子适同遊柯山

觀王質爛柯遺跡 月巖 弋陽縣驛

弋陽道中遇大雪 雪中感成都 雪後

苦寒行饒撫道中有感 對酒 二首 梅花

雪中尋梅 二首 江上梅花

劍南詩集目錄

卷十終

劍南詩集卷第十一

對酒

識字記姓名擊劍一人敵孫吳相斫書了解亦
 何益不如黃金壘。湫湫春波碧欣然對之笑。未
 飲愁已釋。白頭生黑絲。蒼顏桃李色。金丹空九
 轉。正恐無此力。朝飲續五斗。暮飲髡一石。寄謝
 采芝翁。無為老青壁。

遣興

西州落魄九年餘，濯錦江頭已結廬。
誰遣徑歸朝鳳闕，不令小住奉魚書。
余將赴楚道被命東歸 塵埃眯目詩情盡，疾病侵人酒興疎。
寄語鶯花休入夢，世間萬事有榮除。

建安雪

建谿官茶天下絕，香味欲全須小雪。
雪飛一片茶不憂，何況蔽空如舞鷗。
銀瓶銅碾春風裏，不枉年來行萬里。
從渠荔子腴，玉膚自古難兼熊。

掌魚

雪晴至後園

病扶藤杖覓殘梅，牢落情懷怕酒盃。
約束園丁勤灑掃，新年作意待春來。

又

寶馬東風擁犢車，碧雞坊裏擅豪華。
南來強作尋春夢，何處如今更有花。

開元莫歸

白髮書生不自珍，天涯又作宦遊身。
谿橋煙淡偏宜晚，堊寺花遲未覺春。
日暝登山思謝屐，病餘漉酒負陶巾。
茹芝却粒平生事，回首巖扉一

愴神

寺在紫芝山下

書懷

濯錦江頭成昨夢，紫芝山下又新年。
久因多病疎雲液，近爲長齋進玉延。
啼鳥傍簷春寂寂，飛花掠水晚翩翩。
支離自笑生涯別，一炷爐香繡

佛前

遊鳳皇山

窮日文書有底忙，幅巾蕭散集山堂。
一樽病起初浮白，連焙春遲未過黃。
坐上清風隨塵柄，歸途微雨發松香。
臨溪更覓投竿地，我欲時來小作狂。

園中雜書

蕭蕭慈竹鳥呼風，宛似山光小閣東。
剗欲杖藜

尋昨夢更添紅綻綠陰中

山光閣在潭毒關下

又中蘇書

北窗看鏡意凄然夢斷梁州已七年獵獵綵旗

春日晚不堪花外見鞦韆

山南鞦韆最盛巷陌處處有之

又

筍生密密復疎疎來看偏宜曉雨餘乞與人間

作圖畫幅巾短褐小籃輿

又

殘花委地筍掀泥香椀詩囊到處攜幽夢欲成

誰喚覺半窗斜日鷓鴣啼

烹茶

麴生可論交正自畏中聖年來衰可笑茶亦能

作病噎嘔廢晨飧支離失宵暝是身如芭蕉寧

可與物競兔甌試玉塵香色兩超勝把玩一欣

然為汝烹茶竟

病中久止酒有懷成都海棠之盛

碧雞坊裏海棠時
 彌月兼旬醉不知
 馬上難尋前夢境
 樽前誰記舊歌辭
 目窮落日橫千嶂
 腸斷春風把一枝
 說與故人應不信
 茶煙禪榻鬢成絲

北齋

新竹侵幽幔
 疎蓮散遠汀
 研朱朝點易
 搗藥夜潢一作橫
 經巖壑
 知心賞琴樽
 樂性靈會當煩太史一奏少微星

出塞曲

千騎爲一隊
 萬騎爲一軍
 朝踐狼山雪
 暮宿榆關雲
 將軍羽箭不虛發
 直到祈連無雁羣
 巖巖春雷收陣鼓
 蜿蜿驚蛇射生弩
 落蕃遺民立道邊
 白髮如霜淚如雨
 褫魄胡兒作窮鼠
 競裹胡頭改胡語
 陣前乞降馬前舞
 檄書夜入黃龍府

思故山

千金不須買
 畫圖聽我長歌歌
 鏡湖湖山奇麗

說不盡且復爲子陳吾廬柳姑廟前魚作市道
士莊畔菱爲租一彎画橋出林薄兩岸紅蓼連
菰蒲陂南陂北鴉陣黑舍西舍東楓葉赤正當
九月十月時放翁艇子無時出船頭一束書船
後一壺酒新釣紫鱖魚旋洗白蓮藕從渠貴人
食萬錢放翁癡腹常便便算歸稚子迎我笑遙
指一抹西村煙

送錢仲耕修撰

姑熟溪邊識勝流十年重見豈人謀自應客路
難爲別不是陽關作許愁儼直公看鼈禁月倦
遊我夢鏡湖秋殷勤爲報中朝舊睡足平生是
建州

建寧重五

霏微入戶黃梅雨磊落堆盤碧筒黍病來一滴
不飲酒但嗅菖蒲作端午人生忽忽東逝波白
頭奈此節物何去年已作歸州客今年建州更

愁絕歸州猿吟鳥啼裏屈沱醉歸詩滿紙

屈沱蓋屈

原故居楚人謂江之別流為沱

即今憶此那可得西望歸州三

嘆息

雨晴至園中

入夏經月雨園路久已荒今朝偶一到蒿艾如
人長豈惟鼃龜豪頗覺蜂蝶狂悵然懷故山舍
東百本桑迨此積雨餘枝葉沃以光父老適相
遇藉草揮一觴一觴頽然醉笑語相扶將賦詩

示兒子此樂未易忘

夏日

微風過中庭庭樹颯有聲穿簾徐入座巾屨有
餘清

又

展画發古香弄筆娛晝寂是中亦何好使我喜
忘食

又

呼兒整吾駕駕言返林廬可使臨老眼常親吏
文書

發書畫還故山戲書

昨日遣画筭今日發書籠空齋惟一牀窗影亂
風竹平生鑽故紙夙好老尤篤奇哉掃除盡蟬
蛻三萬軸豈惟息煩心亦足養病目從渠褊襪
生自獻公車牘

白髮

白髮千莖綠鬢稀臥看鷓鴣刺天飛平生竊鄙
貢公喜故里但思陶令歸清坐了無書可讀

近盡

遣書筭歸

殘年賴有佛堪依君看世事皆虛幻屏酒

長齋豈必非

懷譚德稱

譚子文章舊有聲幾年同客錦官城江樓列炬
千鍾飲花市聯鞍一字行人世絕知非昨夢天
真堪笑博浮名空齋獨夜蕭蕭雨枕上詩成夢

不成笑對酒各空齋
雨淋土牆如夢
千難客思市網
燐一字計人世
歸時我報夢天

千里關山道路賒
可憐客子費年華
杯觴灑灑

紅燒酒風露盈盈
紫笑花孤月有情
來海嶠雙

魚無信到天涯
此生那得常飄泊
歸臥東溪弄

釣車

貢公又

兩鬢星星久倦遊
淒涼況復寓南州
未甘蟋蟀

專清夜已嘆梧桐
報素秋綺語安能
敵生死熱

官正欲快恩讐
空堂飽作東歸夢
夢泊嚴灘月

滿舟

舟行還山陰道出七里灘

建安遣興

建安酒薄客愁濃
除却哦詩事事慵
不許今年

頭不白城樓殘角
寺樓鐘

又

錦城重到嘆無期
忽憶書臺步月時
白浪黏天

鮫鱔橫夢中識路亦何爲

又

今歲清詩欠百篇強尋筆硯意茫然秋風有句
君知否合在嚴光釣瀨邊

又

古今清絕沅湘路臥想蒲帆十幅開不是避人
息遠適肺肝塵土要詩才

又

綠沈金鎖少時狂幾過秋風古戰場夢裏都忘
閩嶠遠萬人鼓吹入平涼

又

刺虎騰身萬目前白袍濺血尚依然聖時未用
征遼將虛老龍門一少年

病起偶到復菴

經旬羸臥怯登臨偶憶東菴試一尋新竹初成

迷棧路

菴後依古城
有小棧百步

斷雲不散抱城陰陂池綠

靜龜魚樂亭館蒼涼艸樹深欲把一盃無奈嬾
病來觸目動歸心

前有樽酒行

虛堂雨過生涼颼勸君一醉君勿辭去年不知
今歲事明年萬事今得知舊時扶床同戲兒還
鄉問訊令人悲冢丘累累在者誰紙錢雨溼抱
樹枝君去六十有幾時更望七十何其癡求師
學道亦已遲謝客努力從鴟夷

又

綠酒盎盎盈芳樽清歌嫋嫋畱行雲美人千金
織寶裙水沈龍腦作燎焚問君胡爲慘不樂四
紀妖氛暗幽朔諸人但欲口擊賊茫茫九原誰
可作丈夫可爲酒色死戰場橫屍勝牀第華堂
樂飲自有時少待擒胡獻天子

遊南塢院

小破文書夢閒成杖履遊澗幽泉激激院靜竹

修修病骨涼如洗歸心浩莫收
舩輕不載石一葉亂沙鷗

感懷

半年建安城士友闕還往出門每太息
還舍猶恹恹有酒誰與傾得句空自賞
疎直觸人情低回泚吾顙豈無佳山水
正爾寄夢想何當載親朋煙浦搖兩槳

雨夜

一雨遂通夕安眠失百憂窗扉淡欲曉
枕簟凜生秋画燭爭碁道金尊數酒籌
依然錦城夢忘却任南州

夜坐偶書

衰髮蕭疎雪滿簪算年光景易駸駸
已甘身作溝中斷不願人知爨下音
病鶴摧頽分薄俸悲蛩斷續和微吟
向來誤有功名念欲挽天河洗此心

長歌行

人生宦遊亦不惡無奈從來宦情薄既不能短
衣射虎在南山又不能鬪雞走馬宴平樂惟有
釣舩差易具問君胡爲不歸去片雲雨暗玉笥
峰斜日人爭石旗渡渡頭酒壚堪醉眠白酒醇
醖鱸魚鮮菰米如珠炊正熟尊羹似酪不論錢
翁唱菱歌兒舞擢醉耳那知朝市開城門幾度
送迎官睡擁亂簑呼未覺

雨夜不寐觀壁間所張魏鄭公砥柱銘
疾風三日橫吹雨竹倒荷傾可憐汝空堂無人
夜向中臥看床前燭花吐壯懷耿耿誰與論楮
床老龜不能語世間豈無一好漢叱咤暗鳴氣
吞虜壁間三丈砥柱銘貞觀太平如夏觀何當
鼓吹渡河津下馬觀碑馳馬去

客談荆渚武昌慨然有作

去歲出蜀初東遊裁舸大扁下荊州
復風轉頭

五百里吟嘯已在黃鶴樓戲拈鐵笛吹出塞水
涌月落魚龍愁明朝喧傳古仙過碧玉帶束黃
絁裘豈知一官自桎梏薄書期會無時休豐城
寶劍已化久我自吐氣冲斗牛洞庭四萬八千
頃蟹舍正對蘆花洲速脫衣冠挂神武散髮爛
醉垂虹秋

書懷

青城結雲巢擬住三千年御風偶南遊萬里棲
紫煙翠裘綠玉杖白日凌青天招呼方瞳翁邂
逅鳥爪仙朝咏陰陽歌算誦道德篇玉童持碧
簡笙鶴來翩翩海邊武夷山小畱賞宿緣火食
非所樂巾褐常翛然清時未免出頗息世俗傳
行矣秋風高去采玉井蓮

平生

平生涉世似虛舟不著胸中一點愁已用愁雲
看富貴肯緣華屋嘆山丘戴溪寒釀千峯雪嚴

浮

瀨聲酣七里秋好景人間隨處有未埋白骨且
閒遊

自詠

遊戲人間歲月多癡頑將奈此翁何放開繩筮
牛初熟照破乾坤鏡未磨日落苔磯閒把釣雨
餘蓬舵亂堆蓑明朝不見知何處又向江湖醉
踏歌

池亭夜賦

池上小亭幽清宵秉燭遊荷盤時瀉露螢火早
知秋有感歲時速無聲河漢流殊方不堪住歸
夢繞滄洲

雨夜偶書

高臥空堂風雨來夏闌頻看燭花催新涼蕭爽
秋期近多病侵尋老境催萬事極知終變滅一
官那得久低回床頭幸有楞伽在夏炷爐香手
自開

自問思歸

平生無宦情方外久浪迹往來梁益間一笑頗
自得花穠錦城酒月白瞿唐笛咿啞下江艣跌
宕登山屐巴東煙雨秋渭上風雪夕至今客枕
夢萬里不能尺誰知建安城觸目非夙笱冥冥
瘴霧細湫湫蠻江碧出門無交匆嗚呼吾何適
歸哉故山路詎必須暖席

客懷

客懷耿耿向誰語世事茫茫空自知堅坐嬾窮
牛渚怪倦遊何恨雁門踦眼前客共一盃酒身
後人傳千首詩報與故交當賀我計歸猶及菊
花時

伏中官舍極涼戲作

盡障東西日洞開南北堂漏從閒處永風自遠
來涼客愛炊菰美僧誇瀹茗香曉來秋色起肅
肅滿筠床

夢與劉韶美夜飲樂甚

死生契濶十年餘
欲話交情涕已濡
夢裏偶同清夜宴
醉中猶攬故人鬚
岸巾談笑今誰記
滿腹詩書只自愚
我亦與公同此病
早收身世老江湖

江湖

暑夜

毒暑彌三伏
微涼起二夏
月窗風竹亂
煙渚露荷傾
寂莫僭書讀
清羸扶杖行
無功耗官廩
太

息負平生

客意

山行曳杖水拏舟
走遍茫茫禹畫州
蝴蝶夢魂常是客
芭蕉身世不禁秋
早因食少妨高臥
晚憶茶甘作遠遊
龍焙一嘗端可去
無心更爲荔枝畱

夜香

投老誤藥傳竊食
慙無功清夜一炷香
實與天

心通忤物雖至愚許國猶孤忠一念倘自欺百
年寧有終上帝職造化生殺操至公稽首矢此
心其敢累兒童

柴懷叔殿院世綵堂

卷服貂冠世間有榮悴紛紛翻覆手不如御史
老萊衣世綵堂中奉春酒北斗爲觴山作豆鳳
竹鸞絲太中壽今年宗祀降恩綸太中拜前公
拜後嗚呼人誰無父母盛事有及公家否萬鍾
苦晚三釜薄人生此恨十八九我欲殺青書孝
友愧非太史馬牛走聖朝若遣采詩官尚可爲
公圖不朽

月夜

小醉初醒月滿床玉壺銀闕不勝涼天風忽送
荷香過一葉飄然憶故鄉

雙清堂夜賦

陸子病少間獨臥谿上堂人靜魚自躍風定荷

夏香素月行中天流螢失孤光歸鳥飛有聲度
此十里塘嗟我獨何事遲暮客異鄉太息搔短
髮起視夜未央

采蓮

蘸水朱扉不上關采蓮小舫夜深還一樽何處
無風月自是人生苦欠閒

又

雲散青天挂玉鉤石城艇子近新秋風鬟霧鬢

歸來晚忘却荷花記得愁

又

帝青天映麴塵波時有遊魚動綠荷回首家山
又千里不堪醉裏聽吳歌

橋南納涼

曳杖來追柳外涼画橋南畔倚胡床月明船笛
參差起風定池蓮自在香半落星河知夜久無
窮草樹覺城荒碧筒莫憺頽然醉人事還隨日

出忙樹覺城黃綠尚更留秋入事五湖日

芒屨

芒屨一雙青筇枝九節輕登山猶健在投檄太

遲生滿意竹風冷入懷溪月明清秋故不遠回

首憶蓴羹

荔子絕句

驛騎星馳亦快哉筠籠露溼手親開不應相與

無平素曾忝戎州刺史來

又

放翁遊蜀十年回病眼茫茫每嬾開怪底酒邊

光景別方紅江綠一時來

官舍夙興

朝陽淡淡挂窗櫺桐葉無風忽自零不復扶頭

傾白墮但知臨目養黃寧新蔬帶露來幽圃脩

綆飛泉灑廣庭一出文書又圍繞正應高臥盡

頽齡

初南詩集

卷之十一

及古閣

書懷

功名富貴兩茫茫惟有躬耕策最長
吏牘沈迷妨養疾囊衣結束待還鄉
洲中未種千頭橘宅畔先栽百本桑
書寄子公吾自嬾故人不是總相忘

風月

老來苦無伴風月獨見知未嘗費招呼
到處相娛嬉披襟萬里快弄影三更
奇淋漓蜀苑酒散落江樓詩狂歌撼
山川醉墨飛蛟螭聊將調俗子更遣
半生疑

大將出師歌

將軍北伐辭前殿恩詔催排苑中宴
紫陌驚塵中使來青門立馬羣公餞
繡旗雜沓三十里畫鼓敲鏗五千面
行營募宿咸陽原滿朝太息傾都羨
天聲一震胡已亡捷書奕奕如飛電
高秋不閉玉關城中夜罷傳青海箭
可汗垂泣小王

號不敢跳犇那敢戰山川圖籍上有司張掖酒
泉開郡縣還朝策勛兼將相詔假黃鉞調金鉉
丈夫未遇誰得知管日新豐笑貧賤

婕妤怨

妾管初去家鄰里持車箱共祝善事主門戶望
寵光一入未央宮顧盼偶非常穉齒不慮患傾
身保專房燕婉承恩澤但言日月長豈知舜玉
陞翩若葉隕霜永巷雖放棄猶慮重謫傷悔不
侍宴時一夕稱千觴妾心剖如丹妾骨朽亦香
後身作羽林爲國死封疆

移疾

朝來移疾臥虛堂暫屏文書日更長鷗鷺近人
情漸熟簾櫳欲雨意先涼紗巾自照清池影
葦閒銷古篆香莫恨微霜侵綠鬢爲渠歇盡少
年狂

病中懷故廬

我家山陰道湖山淡空濛小屋如舴艋出沒煙
波中天寒橘柚黃霜落穉稭紅祈蚕蕭鼓鬧賽
雨雞豚空又魚有竭作刈麥無遺功去年一月
畱行役嗟匆匆今年歸興動艤舟待秋風社飲
可欠我寄書約隣翁

夏夜不寐有賦

急雨初過天宇溼大星磊落纔數十飢鶻掠簷
飛磔磔冷螢墮水光熠熠丈夫無成忽老大箭
羽凋零劒鋒澀徘徊欲睡復起行三更猶凭闌
干立

綠淨亭晚興

綠淨亭邊物色奇放翁睡起曳筇枝新涼已似
雁來後微雨却如梅熟時綠竹成陰藏細棧朱
闌倒影入清池登臨獨恨非吾土不爲城頭画
角悲

憶山南

劍南詩選 二十三
貂裘寶馬梁州日盤槩橫戈一世雄怒虎吼山
爭雪刃驚鴻出塞避離弓朝陪策畫清油裏莫
醉笙歌錦幄中老去據鞍猶矍鑠君王何日伐
遼東

又

醉墨淋漓酒百盃轅門山色碧崔嵬打鼙駿馬
千金買切玉名刀萬里來結客漁陽時遣簡踏
營渭北夜銜枚十年一夢今誰記閉置車中只

自哀

夕雨

屣履行莎徑移牀臥草亭風聲雜溪瀨雨氣挾
龍腥奕奕空中電昏昏雲罅星徂年又如許吾
鬢得長青

又

獨夜初傳漏空罃半掩扉候蟲燈下語水鳥雨
中歸客舍愁彈劔京塵怯化衣故人招隱意字

字莫相違

試茶

北窗高臥鼾如雷誰遣香茶挽夢回
綠地毫甌雪花乳不妨也道入閩來

莆陽餉荔子

江驛山程日夜馳筠籠初拆露猶滋
星毬皴玉雖奇品終憶戎州綠荔枝

初秋書懷

二十年前已二毛卽今何恨鬢蕭騷
孤燈自伴詩情苦俗子從嫌醉眼高
煙外算鐘來遠寺雨餘秋漲集空壕
思歸更向文書嬾此手惟堪把蟹螯

建州絕無芡意頗思之戲作

鄉國雞頭賣早秋綠荷紅縷最風流
建安城裏西風冷白棗堆盤看却愁

憶筓

憶昔西遊變姓名獵圍屠肆押豪英淋漓縱酒
 滄溟窄慷慨狂歌華岳傾壯士有心悲老大窮
 人無路其功名生涯自笑惟詩在旋種芭蕉聽
 雨聲

客思

裘馬平生喜遠遊算年顛顛向南州文書與睡
 中分日衰病和愁總怕秋無復雪郊看射虎但
 思煙浦聽呼牛還家誰道無餘俸倒橐猶堪買

釣舟

初秋夢故山覺而有作

陂水白茫茫艸煙溼霏霏牧童一聲笛落日無
 餘暉遙山已漸隱村巷亞竹扉老翁延我入苦
 謝柿栗微幸逢歲有秋一醉君勿違念此動中
 懷命駕吾將歸

又

犬吠舍前後月明村東西岸草蛩亂號庭樹鳥

已栖我僕城中還擔頭有懸雞小兒勸我飲村
酒拆赤泥我醉不自覺頹然葛巾低著書笑蒙
莊茗芋物自齊

又

管我東歸時父老迎船頭開篷相勞苦怪我領
雪糝故山何負君且作數月畱豈知席未煖足
馬來南州蠻花四時紅瘴霧日夜浮歸哉不可
遲勿與婦子謀

又

杜宇真吾交勸去恨不速忠告輸肝肺厚意均
骨肉陋哉鷓鴣語揣我貧念祿竹雞更鄙淺泥
淖憂車軸秋風嚴瀨清春雨戴溪綠行矣勿復
疑照影巾一幅

寓嘆

千載前人每暗同眼邊俗客馬牛風作文要可
張子布飲酒息從陳孟公半世氛埃成潦倒幾

時簑釣入空濛一菴處處皆堪老莫怕無山著

此翁

雙清堂醉臥

客裏逢秋醉似泥空堂獨臥意淒迷亂號庭樹
西風急斜掛城樓北斗低末路敢貪請鶴料微
官久厭駕雞棲平生玉局經行地擬乞冰銜隱
剡溪

醉書

半年愁病劇一雨喜涼新稍與藥囊遠初容酒
醜親浩歌驚世俗狂語任天真我亦輕餘子君
當恕醉人

莫半憶唐安

南鄭戍還初過蜀朝衫與鬢猶爭綠逢春飲酒
似長鯨醉裏千篇風雨速唐安池館夜宴頻漱
漱玉船搖畫燭紅索琵琶金縷花百六十絃彈
法曲曲終却看舞霓裳嫋嫋宮腰細如束明朝

解醒不用酒起尋百畝東湖竹歸吳寂莫時自
笑縱有詩情誰省錄今年二頃似可謀去斲雲
根結茅屋

秋懷

算年身世轉悠悠又向天涯見早秋昨夜月明
今夜雨關人何事總成愁

又

星斗闌干河漢流建州風物更禁秋年來多病

題詩懶付與鳴蛩替說愁

晝臥聞碾茶

小醉初消日未晡幽窗催破紫雲腴玉川七盃
何須爾銅碾聲中睡已無

月下獨行橋上

新秋未再旬月露已浩然放翁一幅巾與影俱
翩僊飛橋挂澄谿幽竇鳴細泉開歲纔俛仰已
近搖落天殊方久滯畱感此歲月遷歸來看青

燈悄愴不得眠

夜意

火雲夕方收艸露秋已白堂空燈欲翳壁壞蟲
自噴四顧寂無人獨立岸吾憤窮通何足論等
是百年客何能爲一飽半世出下策布帆幸無
恙誰謂江海迤

秋夜書懷

斷香漠漠繞藤牀新月娟娟轉画廊鄉遠每勞
千里夢雨慳未放九秋涼衰遲分作驥伏櫪歛
退敢求錐出囊剝喜今年有奇事嚴遵灘下繫
歸航

息故廬

平生一束書不爲屋廬計微官寄郵傳俯仰閱
半世艸堂白雲邊日夜長松桂柴門入幽夢落
日亂蟬嘒宦遊有何好海角愁瘴癘拂衣便可
耳勿使老春薺

其四雨夜春香

小雨初涼夜殘燈欲暗時病多愁近酒心弱怯
題詩舊友殊方少歸耕晚歲空回頭語孤影此
意有君知書不為墨墨情猶官密准唐初四開

北窗哦詩因賦

二十來年賦遠遊一窗又復寄南州雙鵝戲雨
陂塘曉亂葉飄風院落秋顏鬢蹉跎愁覽鏡江
山重複怯登樓平生事業詩千首殘稿從教處

處畱

又

露下螢飛仲秋月山圍水繞建安城病多不辨
酒中聖身遠且令心太平數卷蠹書行老矣一
盂蔬飯太憎生白雲只在簷間宿聽我清宵詠
句聲

恣四傲裝

絕物離人恨未能聊為旦過打包僧蹇驢渺渺

初南詩集

卷之十一

及古閣

秋山雨孤榻昏昏夜店燈酒量已隨詩笑退客
愁仍與病相藥頹然衰颯嗟誰識俠氣當年蓋
五陵

孟益追感梁益舊遊有作
西遊萬里倚朱顏肯放筭前一笑慳蜀苑妓圍
欺夜雪梁州獵火滿秋山晚途忽墮塵埃裏樂
事渾疑夢寐間浮世變遷君勿歎劇談猶是詫
鄉關

蒲陽昭武延平送兵漸集戲書
鼓聲晨統統角聲暮嗚嗚作官了何事空歎歲
月徂送兵稍稍集秣馬脂吾車風霜迫搖落殘
暑亦已無野渡明丹楓破驛吹黃榆聊收作詩
料未用厭征途

別建安

羅選

三十年來雲水僧常挑鉢帑繫行滕信緣不作
癡巢窟卽是吾家無盡燈

楚澤吳山已慣行
武夷從筭但聞名
北巖小寺長汀驛
且喜遊山第一程

又

欵帽揚鞭晚出城
驛亭燈火向人明
多情葉上蕭蕭雨
更把新涼送客行

初發建安

小雨初收雲未歸
吾行迨及晚秋時
寒沙新雁無人問
露井殘桐有客悲

征袂拂霜晨喚馬
驛窗剪燭夜題詩
悠然且作尋山想
夢裏功名莫自期

宿北巖院

車馬紛紛送入朝
北巖燈火夜無聊
中年到處難為別
也似初程宿灞橋

岑參詩云初程莫早發且宿灞橋頭語意

至

書感

初南詩集

卷之十一

及古

溪路人家尚闔扉
 疆扶衰憊著征衣
 百年朝露古所歎
 一櫂秋風吾欲歸
 楚客長號沾白壁
 漢宮太息遣明妃
 鑠金消骨從來事
 老矣何心踐駭機

長汀道中

晚過長汀驛
 溪山乃爾奇
 老夫惟坐歎
 造物爲陳詩
 鳥送穿林語
 松垂拂澗枝
 憑鞍久忘發
 不
 是馬行遲

黃亭夜雨

去武夷四十里

未到名山夢已新
 千峰拔地玉嶙峋
 黃亭一夜風吹雨
 似爲遊人洗俗塵

遊武夷山

少讀封禪書
 始知武夷君
 晚乃遊斯山
 秀傑非
 俗聞三十六
 奇峯秋晴無
 纖雲空巖雞
 晨號峭壁丹
 夜暎巢居寄
 千仞鴻荒想
 羲軒風雨蛻
 玉骨難以俗
 意論丹梯不
 容躡修蔓亦
 畏捫泝灘

進小艇媿驚白鷺群學道雖恨晚養氣敢不勤

宦遊非本志寄謝鶴與猿

泛舟武夷九曲溪至六曲或云灘急難上

遂回書

莫年脚力倦躋攀俗得扁舟臥看山怪怪奇奇

何所似綠蘿溪入下牢關

一葉凌風入硤來山童指點幾崔嵬急流勇退

平生意正要船從半道回

崇安縣驛

驛外清江十里秋雁聲初到荻花洲征車已駕

晨窗白殘燭依然伴客愁

過建陽縣以雙鵝贈東觀道士為長生鵝

觀俯大溪鵝得其所矣武夷險絕處有仙

船架崖壁間數日前大風吹墮船木數寸

堅硬如石予偶得之皆此行奇事也各賦

一詩

閒泛晴波唳綠萍却衝微雨傍煙汀會稽內史
如相遇換取黃庭一卷經

右雙鵝

斷崖幽洞白雲深縹渺仙槎無古今飛下一峯
相勞苦却疑天外有知音

右墮水

紫谿驛

信州鉛山縣

它鄉異縣老何堪短髮蕭蕭不滿簪旋買一尊
持自賀病身安穩到江南

又

雲外丹青萬仞梯木陰合處子規啼嘉陵棧道
吾能說畧似黃亭到紫谿

鵝湖夜坐書懷

士生始墮地孤矢志四方豈若彼婦女齷齪藏
閨房我行環萬里險阻真備嘗昔者戍南鄭秦

山鬱蒼蒼鐵衣臥枕戈睡覺身滿霜官雖備莫
府氣實先顏行擁馬涉沮水飛鷹上中梁勁酒
舉數斗壯士不能當馬鞍挂狐兔燔炙百步香
拔劍切大肉哆然如餓狼時時登高望指顧無
咸陽一朝去軍中十載客道傍看花身落魄對
酒色淒涼去年忝號召五月觸瞿唐青衫暗欲
盡入對衰涕湧今年復詔下鴻雁初南翔俯仰
未閱歲上恩實非常夜宿鵝湖寺槁葉投客牀
寒燈照不寐撫枕慨以慷李靖聞征遼病憊夏
激昂裴度請討蔡奏事猶衷創我亦息報國夢
繞古戰場

信州東驛晨起

衣上征塵鬢畔霜信州古驛憩歸裝悲歌未宥
彈長鋏豪氣猶能臥大牀半暗殘燈搖北壁常
飢老馬臥東廂隣雞唱罷衣篝暖自笑行人日
日忙

玉山縣南樓晚望

小樓在何許正在南溪上空濛過釣船斷續聞
漁唱征途苦偏仄舒嘯喜清曠安得此溪水為
我變春釀

玉壺亭

玉壺亭上小徘徊閒對殘荷把一盃冠蓋交馳
期會急長官未必辦頻來

步過縣南長橋遊南山普寧院山高處有

塢院及小亭縹渺可愛恨不能到

偶扶藤杖過南津野寺長橋發興新暫就清溪
照鬢鬢不妨翠霧溼衣巾山縈細棧疑無路樹
落崩崖欲壓人朝暮有程常猝猝何因攜酒上
嶙峋

鯤賞枕上感懷

五更攬轡山路長老夫誦書聲琅琅古人已死
心則在度越秦漢窺虞唐三更投枕窗月白老

夫哦詩聲嘖嘖淵源雅頌吾豈敢屈宋藩籬或
能測一代文章誰汝數老不能閒真自苦君王
雖賞于薦于無奈宮中須羯鼓

晚過招賢渡

老馬骨嶮然虺虺不受鞭行人爭晚渡歸鳥破
秋煙湖海淒涼地風霜搖落天吾生半行路搔
首送流年

臥輿

白首躬耕已有期鳳城歸路却遲遲臥輿擁被
聽秋雨占盡人間好睡時

奏乞奉祠畱衢州皇華館待命

世念蕭然冷欲冰夏堪衰與病相乘從來幸有
不材木此去真為無事僧

見丹霞錄

耐辱豈惟容唾

面寡言端擬學銘膺尚餘一事猶豪舉醉後龍

蛇滿剡藤

寓舍偶題

轉徙身飄梗淹留等繫匏雁孤依遠渚鳩拙寄
空巢寒日頰梨頰清霜長橘包平生麴道士歲
晚欲深交
不林夙興
客中睡眠少常以雞鳴興新炭熾宿火膏油續
殘燈焚香倚蒲團外靜中已凝榮辱兩不到淡
如秋水澄出定窗已白炯炯寒日昇厨人作芋
糝供此在家僧

山夜坐
老知世事謾紛紛紙帳蒲團自策勲一夜北風
吹裂屋石樓無耳不曾聞

偶得石室酒獨飲醉臥覺而有作
初寒思小飲名酒忽墮前素鬢手自傾色若秋
澗泉浩歌復起舞與影俱翩僊一笑遺宇宙未
覺異少年詩人不聞道苦歎歲月遷豈知汝南
市自有壺中天河洛久未復銅駝棘森然秋風

歸去來虛老玉井蓮
 未對離魂棘森然
 風
 費異午睡
 荷人不聞
 苦燒
 意民
 豈味
 亦南
 風霜踐殘歲
 我乃羈旅人
 如何得一室
 牀敷暖
 如春午枕挾
 小醉鼻息撼
 四隣心安了
 無夢一
 掃想與因
 逡巡起頰面
 覽鏡正幅巾
 聊呼蟹眼
 湯淪我玉色
 塵

李映贈柯山老人

柯山老人九十餘
 亂髮不櫛瘦如枯
 百穿千結

一布袴得酒一吸
 輒倒壺自言少年
 不蓄孥有錢徑付
 酒家壚人生辦此
 真良圖棄官從翁
 許我無

寓館晚興

隨牒人間不自憐
 衢州孤驛夏蕭然
 百年細數半行路
 萬事不如長醉眠
 短髮經秋真種種
 腹寬耐事只便便
 晚窗商畧唯當飲
 安得黃花到

眼邊

今年九月將盡竟未見菊

那數葉相最高亭

高亭新築冠鼇峯眼力超然信不同膚寸油雲

澤天下大千沙

一作法

界納胷中春遊到處群花

擁夜宴歡時百榼空劉白老來忘世味只思詩

酒伴裴公

裴晉公畱守東都白樂天劉夢得以分務與晉公倡酬

婺州州宅極目亭

尚書曳履上星辰小為東陽作主人朱閣凌空

雲縹緲青山繞郭玉嶙峋似聞旋教新歌舞且

慰重臨舊吏民莫倚闌干西北角即今河洛尚

胡塵

謝演師送梅

早梅時節到江南已判樽前酒滿衫輸與西鄰

明上座解從大庾嶺頭參

又

折送江梅意不疎要教相對鬪清臞為君著向

明窗下試問山翁具眼無

訪毛平仲問疾與其子适同遊柯山觀王
 質爛柯遺跡
 籃輿訪客過仙村千載空餘一局存
 曳杖不妨呼小友還家便恐見來孫
 林巒巉絕秋風瘦樓堦參差暮氣昏
 酒美魚肥吾事畢一菴那得住
 雲根

月巖

幾年不作月巖遊萬里重來已白頭
 雲外連娟何所似平羌江上半輪秋

弋陽縣驛

大雨山中采藥回丫頭巖畔覓詩來
 喚船野渡逢迎雪攜酒溪頭領畧梅
 久客愁心端欲折何時笑口得頻開
 慙勤記著今朝事破驛空廊葉作堆

弋陽道中遇大雪

我行江郊莫猶進大雪塞空迷遠近
 壯哉組練

從天來人間有此堂堂陣少年頗愛軍中樂跌
宕不耐微官縛憑鞍寓目一悵然思爲君王掃
河洛夜聽簌簌窗紙鳴恰似鐵馬相磨聲起傾
斗酒歌出塞彈壓胸中十萬兵車如響空瀛壖
雪中感成都

憶在西州遇雪時繡筵處處百花圍烏絲闌展
新詩就油壁車迎小獵歸感事鏡鸞悲獨舞寄
書箏雁恨慵飛愁多自是難成醉不爲天寒酒

力微自合酌冰
雪後苦寒行饒撫道中有感
殘雪莫還結朔風晴夏寒重裘猶粟膚連酌無
駢顏指直不可握終日縮袖間十年走萬里何
適不艱難附火財須臾攬轡復慨歎恨不以此
勞爲國戍玉關

對酒

溫如春色爽如秋一榼燈前自獻酬百萬愁魔

降未得。故應用爾作戈矛。前自瀛洲百萬愁。

又

歎息人真未易知。算年始覺麴生奇。個中妙趣誰堪語。最是初醺未醉時。

梅花

臨州道中見梅數樹憔悴特甚

我與梅花有舊盟。即今白髮未忘情。不愁索笑無多子。惟恨相思太瘦生。身世何曾怨空谷。風流正自合傾城。增冰積雪行人少。試倩羈鴻爲

寄聲

雪中尋梅

莫遣扁舟興盡回。正須衝雪看江梅。楚人原未知真色。施粉何曾太白來。

又

幽香淡淡影疎疎。雪虐風饕亦自如。正是花中巢許輩。人間富貴不關渠。

夢來江上梅花

初南詩集

卷之十一

及古

老來樂事少關身，猶喜尊前見玉人。
豈是淒涼偏薄命，自緣纖瘦不禁春。
娟娟月上明江練，黯黯天低糝玉塵。
絕磴斷橋幽獨處，護持應有主林神。

吟真色謝餘同曾太白來

莫道扁舟興盡回，玉塵猶在掌中揮。
笑人原未

書中異辭

劍南詩彙卷第十一

劍南詩彙目錄

卷第十二

擬峴臺觀雪 舊在成都初春無事日訪

昭覺保福正法諸刹甚可樂也追懷慨然

因賦長句 園中賞梅 首二 正月十五日

出郊至金石臺 首二 六日小飲園中光景

鮮妍紅梅已拆恍記在果州偶得絕句

聞雁 撫州上元人登擬峴臺燈夕有

感賦庚子正月十八日送梅臺初春懷成

都城春雨日雨中遣懷首二晚晴首春晚

出春晚坐講忽夢泛舟飲酒樂甚既覺悵

然有賦遣興中老去雨夜簡黎道

士景臨川絕無佳酒時得一醉戲書首醉

中懷江湖舊遊偶作短歌三月二十一

卷曰天祺節日飯罷小憩思歸齒痛

險有感南窗睡起首二初夏讀程秀才

詩晨起雨夜得京書或怪久不通

問水亭醉眠感舊首七晝臥聞百

吾寄呂博士遊疎山疎山東堂晝

眠山中作觀蔬圃日東堂晨起有感

焚金谿道中小憩前平院戲書觸目

遣興大雨後獨登擬峴臺數日訴牒苦

多憊甚戲作與黎道士小飲偶言及曾

文清公慨然有感念歸五月十一日

夜且半夢從大駕親征盡復漢唐故地見

城邑人物繁麗云西涼府也喜甚馬上作

長句未終篇而覺乃足成之雨夜首二

焚香晝睡比覺香猶未散戲作仲夏首二

小旱方致禱忽大雨連日江水為漲喜而

有作冒雨登擬峴臺觀江漲山薙庭草

問蚨蝶詞 大雨踰旬既止復作江遂大

漲首二景燒丹示道流 書感 夏日寄

統卷自訟 夏日晝寢夢遊一院闐然無

人簾影滿堂惟燕蹋箏弦有聲覺而聞鐵

鐸風響璆然殆所夢也邪因得絕句煉虛

堂 夢仙 自嘲 長歌行 對酒 自

詠 夏日睡起 所居堂極涼雖三伏常

有秋意也偶得長句 雨後露坐小酌

日暮南窗納涼 中夜起登堂北小亭

登擬峴臺 夜意 道院遣興 夜行至

白鹿泉上 堂中以大盆漬白蓮花石菖

蒲翛然無復暑意睡起戲書 初秋書

懷 首五 狂吟 聞雨 初秋小疾効俳諧

體 雨後極涼料簡篋中舊書有感 秋

夜 鈔書 晚自白鹿泉上歸 秋早方

甚七月二十八夜忽雨喜而有作 秋日

小雨有感 書李商叟秀才所藏曾文清

詩卷後 碧海行 道院遣興 夜酌

言懷 送客城西 雨夜 病中作 社

日小飲晚到東園 秋晚登擬峴望祥符

觀 秋思 病目廢書 感咎 首二 視陂

至崇仁村落 馬上 寄周洪道叅政 首二

北窗 登擬峴 休日 別張教授歸

獨登擬峴 晚晴至索笑亭 新釀熟小

酌索笑亭 乾道初予自臨川歸鍾陵李

德遠范周士送別是日宿戰平風雨終夕

今自臨川之高安復以雨中宿戰平悵然

感懷首二村舍小酌白塢道中藥臥輿

行登宿城頭舖小飲而睡豐城村落小

憩非再題發豐城縣日豐城高安之間

憩民家景趣幽邃慨然懷歸宿華嚴寺

寄奉新高令高安州宅三詠首三與

高安劉丞遊大愚觀壁間兩蘇先生詩

劔南詩彙目錄卷十二終

劔南詩彙卷第十二

擬峴臺觀雪

坐虹亭上三更月擬峴臺前清曉雪我行萬里

跨秦吳此地固應名二絕山川滅沒雪作海亂

墜天花自成態狂歌痛飲豪不除夏憶銜枚馳

出塞蘆摧葦折號飢鴻欲傳粉墨無良工摩挲

東絹三歎息收入放翁詩卷中明朝青天行日

轂萬瓦生煙失瓊玉世間成壞本相尋却看晴

山暈眉綠

舊在成都初春無事日訪昭覺保福正法
出塞諸刹甚可樂也追懷慨然因賦長句
憶在西川集寶坊幅巾蕭散日初長伊蒲塞饌
分香積優鉢羅花散道場客路逢春增感慨舊
遊回首已微涼新晴強作尋幽計有底文書作
許忙

園中賞梅

閱盡千葩百卉春此花風味獨清真江邊
愁欲語馬上夕陽香趁人慰眼紅苞初報信回
頭青子又生仁羈遊偏覺年華速徙倚闌干一
愴神

又

行遍茫茫禹畫州尋梅到處得閒遊春前春後
百回醉江北江南千里愁未愛繁枝壓紗帽最
憐亂點糝貂裘一寒可賀君知否又得幽香數

日畱
漸老惜時節
思遊邨可忘
雪晴天淺碧
春動柳輕黃
笑語寬衰疾
登臨到夕陽
未須催野渡
聊欲據胡床

又

開歲多休暇
官身亦暫閒
樓臺先畫永
花柳向春慳
啼鳥隨遊轡
和風愜醉顏
更憐歸路好
破

墨數峯山

晚歸見西南諸山如画

十里六日小飲園中
光景鮮妍紅梅已拆
恍記

在果州偶得絕句

輕裘駿馬金泉路

金泉蓋謝自然輕舉之地

默數新春又九

年風景不殊人自老
忽驚作夢到臨川

星刺聞雁

過盡梅花把酒稀
熏籠香冷換春衣
秦關漢苑無消息
又在江南送雁歸

無尚撫州正元南送郵驛

江月微雲外街泥小雨餘人如虛市散燈似曉
星疎羈雁同身世新霜上鬢鬚明年夏清絕魚
火對茅廬

次對茅廬

次對茅廬

次對茅廬

層臺縹緲壓城闌倚杖來觀浩蕩春放盡樽前
千里目洗空衣上十年塵縈迴水抱中和氣平
遠山如醞籊人更喜機心無復在沙邊鷗鷺亦

相親

相親

領間燈又有感

芙蓉紅綠亦參差睡起燒香強賦詩萬里錦城

無夢到豈惟虛負放燈時

無夢到豈惟虛負放燈時

昨曾庚子正月末八日送梅

滿城桃李爭春色不許梅花不成雪世間尤物

無盛衰萬點縈風愈奇絕我行柯山眠酒家初

見窗前三四花恨無壯士挽斗柄坐令東指催

年華今朝零落已可惜明日重尋更無迹情之

所鍾在我曹莫倚心腸如鐵石何山知國寒

藏初春懷成都不信蘇蘇不為雲甘問水味

我管薄遊西適秦歸到錦城逢早春五門收燈

藥市近小桃妖妍狂殺人蜀中入春惟小桃先開似坐絲海棠霓

裳法曲華清譜燕妬身輕鸞學語歌舞更休轉

盼間但見宮衣換金縷世上悲歡豈易知不堪

風景似當時病來幾與翹生絕禪榻茶煙雙鬢

絲

長向春雨後外懸新書和

冬旱土不膏愛此春夜雨四郊農事興老穉迭

歌舞相呼長沮耕分喜樊遲圃豐年已在目亭

障靜桴鼓我歸未有期一官寄倉庾幸復寬簡

書不敢恨羈旅

里香雨中遣懷

病中草草度年華睡起昏昏日易斜抵死愁禁

千斛酒薄情雨送一城花。鏡湖煙水搖朱舫錦
里香塵走鈿車。此夢卽今都打破不妨寂寞住
天涯。須知羅水

草精又遊。未肯賦一官。春舍與幸野真簡
霏霏春雨細如絲。正是春寒欺客時。心向宦途
元淡薄。夢尋鄉國苦參差。樓前新漲綠三尺。墻
外尚餘紅幾枝。擺撥簿書呼酒榼。南湖西塢有
幽期。

御覽晚晴

水聲瀟瀟赴回塘。簾影疎疎遶四廊。靜院數盃
傾白墮。幽窗一枕夢清湘。潤侵書笥深防蠹。暝
徹衣篝剩得香。解組徑歸應更樂。偷閒猶足傲
羲皇。向想

春晚

五十六翁身百憂。年來轉覺此生浮。山川信美
故鄉遠。天地無情雙鬢秋。社後燕如歸客至。春

劍南詩集 卷之十二
殘花不爲人畱。一觴一詠從來事。莫笑扶衰又上樓。

春晚坐講忽夢泛舟飲酒樂甚既覺悵然

美皇有賦

夢泛扁舟逸興多。畫橈搖蕩麴生波。微風款款生蒲葦。小雨霏霏溼芰荷。舞落烏紗從歲去。歌酣白紵奈情何。年來惟覺華胥樂。莫遣茶甌戰睡魔。

蘇曾遣興爾博辭四亦清雨來亦好箇人管晏
老子癡頑慣轉蓬。殘年嬾復問窮通。赦書雖未除詩債。盟府猶當策酒功。桐嶺市回人踏月。柘岡月落鳥呼風。浮生觸處無真實。豈獨南柯是夢中。
百業老去古無藥。又觀風雨卷心晴。今空有老去時時病。春來日日陰文書。有期會山水。負登臨倦客風埃眼。孤臣狗馬心。餘寒欺短褐。莫

不貸人去去如飛梭
無渡河浪花無蒂高崢嶸
莫登樓茫茫芳草難
爲情華軒寶馬只好路
旁看冶金伐石空畱後
世名古來惟有竹林諸
人稱達生一醉之外萬
事鴻毛輕可憐癡人競
聲利坐使方寸森五兵
散花洲上青山橫野魚
可膾菰可烹脫冠散髮
風露冷臥看江月金盆傾

三月二十一日作

蹴踘牆東一市譁
鞦韆樓外兩旗斜
及時小雨放桐葉
無賴餘寒開棟花
明日吹笙息蜀苑
軟塵騎馬夢京華
懽情減盡朱顏改
節物催人只自嗟

坐入天祺節日飯罷小憩
臥聽午漏隔花傳
簾裏花殘有斷煙
莫放轆轤鳴玉井
偷閒要補五更眠

劍南詩集 卷之十二 九之十二 沈古隱
斯王思歸問要爾五更風
白髮滿青鏡悵然山水身那因五斗米常作半
塗人涉世風波惡思歸懷抱真會當求鋤斧送
老鏡湖濱

齒痛有感

聖神齒痛有感
眼暗頭童負聖時齒牙欲脫更堪悲算年漸解
人間事蒸食衰梨亦自奇

南窗睡起

夢中忘却在天涯一似當年錦里時狂倚寶箏
歌白紵醉移銀燭寫烏絲酒來耶縣香初壓花
送彭州露尚滋起坐南窗成絕嘆玉樓乾鵲誤
歸期

又

畫漏迢迢暑氣清不妨小倦帶餘醒夢從隴客
聲中斷愁向湘屏曲處生風度簾旌紅浪颭窗
明香岫碧雲橫閒情賦罷憑誰寄悵望壺天白

玉京幽邃雲巖間
對湖翠巖對望壺
天白

雙中初夏向
幽林曲盡土
風飄葉到
下以風窗

百葉盆榴照眼
明桐陰初密
暑猶清深深
簾幕

度香縷寂寂房
櫳聞燕聲細
煨詩聯憑
棊几靜

思棋劫對楸枰
浣花光景應
如昨回首西
州一

愴情浣花四月十九日也

煨白讀程秀才詩

程子晚相得居然一坐傾
新詩欲飛動病眼為

開明英妙非凡質
衰遲畏後生吾徒可相賀五

字有長城

晨起

一官又寄汝江頭
落魄文園故倦遊
榻上鐸聲

悲破夢簷邊桐葉冷
生秋算年作吏寧
長策薄

祿縻人尚小畱
晨起凭欄嘆衰甚
接羅紗薄髮

颼颼

兩鬢雨夜
綠書青卷
世事幾成
少半樂事

兩鬢新霜換舊青。客遊身世等浮萍。少年樂事
消除盡。雨夜焚香誦道經。

得京書或怪久不通問

慣向江湖鍛羽翰。雲霄那敢接鷓鸞。百年未必
如炊久。萬事真須作夢看。白首據鞍慙俠氣。清
燈顧影嘆儒酸。手遮西日成何味。還我平生舊
釣竿。

開水亭

日淡暑猶薄。雨餘風更清。翛然水亭立。試此葛
衣輕。晒粉憐孤蝶。穿枝喜晚鶯。誰知簿書裏也
復得吾生。

醉眠

達士如鷗夷。無客亦自醉。癡人如撲滿。多藏作
身祟。放翁亦何長。偶自遠聲利。胸中白如練。不
著一毫僞。醉來酣午枕。晴日雷鼻起。寄謝敲門
人。子方有公事。

入于感舊絕句

鴨翎堠前山簇馬雞蹤橋下水連天金丹煉成
不肯服且戲人間五百年

又賦與無客亦自輶燕人吹對蕭瑟

鵝黃酒邊綠荔枝

鵝黃廣漢酒名
綠荔枝出敘州

摩訶池上納

涼時冰紈不畫驂鸞女却寫江南白紵辭

又

南市夜夜上元燈西鄰日日是清明青羶犢車

碾花去黃金馬鞭穿柳行

又

十月新霜兔正肥佳人駿馬去如飛纖腰嫋嫋

戎衣窄學射山前看打圍

又

半紅半白官池蓮

江瀆廟池

半醒半醉女郎船鴛鴦

驚起何曾管折得雙頭喜欲顛

又

紅葉琵琶出嘉州四弦彈盡古今愁胡沙漫漫
紫塞曉漢月娟娟青冢秋

美人傳酒清夜闌欲歌未歌愁遠山蒲萄一斗
元無價換得涼州也是閒

雨後郊原已遍犁陰陰簾幙燕分泥閒眠不作
華胥計說與春鳥自在啼

江南謂百舌為春鳥

寄呂博士

薄宦東西蜀僑居太少城休論九年謫喜識萬
人英別久心常折書來眼未明功名君自力丘
壑我平生

遊疎山

我愿匹馬飛騰遍九州如今苦無驥裹與驂驅
葛陂之龍又難致兀兀安得忘吾愁幸餘一事
差可喜雲山萬里芒屨底曳杖行穿嶓冢雲試

茶手挹香溪水江西山水增怪奇疎山之名舊
 所知憺哉不見侏儒師尚想薪水俱空時寺門
 欲近山若拆老樹蒼崖舍古色挂包便住吾豈
 能一來要是疎山客

疎山東堂晝眠

飯飽眼欲閉心閒身自安樂超六欲界美過八
 珍盤香縷縈簷斷松風逼枕寒吾兒解原夢為
 我轉雲團是日約子分茶

山中作

朱墨紛紛訟滿庭半年初得試山行燒香掃地
 病良已飲水飯蔬身頓輕日落三通傳浴鼓雨
 餘千耦看農耕故巢光景還如此為底淹留白

髮生余書堂在雲門寺西

觀蔬圃

菘芥可殖芹可羹晚風咿嘍桔槔聲白頭孤宦
 成何味悔不畦蔬過此生

東堂晨起有感

不解飛車越九州青鞵處處為山畱百年未盡
且作夢三日閒行聊散愁世上幾經華表柱尊
前好在黑貂裘龍泉幸是無人斲算露光芒上

斗牛

金谿道中

雲閣苦竹市雨來烏石岡駕犁雙犢健鬻繭一
村香天地君恩重風埃吏責忙敢辭坡路滑且

領筍輿涼

小憩前平院戲書觸目

道邊小寺名前平殘僧二三屋半傾旁分千畦
畫楸局正對一山橫翠屏修纖弱蔓上幽援一作

拔

堅瘦穉柏當前榮稻秧正青白鷺下桑椹爛

紫黃鸝鳴村虛賣茶已成市林薄打麥惟聞聲
泥行扶犁吒新犢野饁燒笋炊香杭十年此樂
發夢想忽然到眼難為情上車欲去復回首那

將算境供浮名。如蠶為計。土車俗去。莫回首。飛

或林遣興。如蝶戲。理盡。莫笑。妙香。妙手。出樂

小麥登場。雨熟。梅閉門。病眼。每慵。開酒。盃不解

為愁敵。書卷。纔開。作睡。媒。骨朽。空名。坐斷。簡冢

荒殘。碣臥。蒼苔。紛紛。傾奪。知何。得老。覺人間。但

可哀。小字。各前。平。空。會。二三。室。半。剛。旁。合。十。劫

雨後獨登擬峴臺

高城斷處閣橫空。目力雖窮興未窮。燕子爭泥

朱檻外。人家曬網綠洲中。誰能招喚三秋月。我

欲憑陵。萬里風。更比峴山無。湛輩論交。惟是一

枝筇。

數日訴牒苦多憊甚戲作

江南五月暑猶薄。梅子正黃。風雨惡。庭中訟。獠

不貸人。急甚常如虎。遭縛空。空鼠迹。畱几塵。賦

詩飲酒。疑前身。脫歸徑。臥與壁。語敢恨。無人問

良苦。與。空。出。小。增。問。言。文。會。文。清。公。謝。然。有

身苦與黎道士小飲偶言及曾文清公慨然有
昔曾感發前良韻對烟與壑語效則無人問
臨川稅駕忽數月嗜睡愛閒常閉門君詩始慙
病僧意吾道難爲俗人言秋雨淒淒黃葉寺春
風酣酣綠樹村曾公九原不可作一尊破涕誦
招魂

念歸里

念歸里

念歸里

念歸里

念歸里

念歸里

念歸里

江城五月朝暮雨雨脚纔收水流礎酒盃未把
愁作病塵柄欲拈誰共語有時暫解簿書圍獨
坐藤床看香縷林塘渺渺鳩正懽簾幙陰陰燕
新乳湖山舊隱入我夢白首忘歸獨安取一生
花裏醉春風卽今願作扶犁翁

五月十一日夜且半夢從大駕親征盡復

大漢漢唐故地見城邑人物繁麗云西涼府也

喜甚馬上作長句未終篇而覺乃足成之

天寶胡兵陷兩京北庭安西無漢營五百年間

置不問聖主下詔初親征熊羆百萬從鑿駕故
地不勞傳檄下築城絕塞進新圖排仗行宮宣
大赦岡巒極目漢山川文書初用淳熙年駕前
六軍鎔錦繡秋風鼓角聲滿天首宿峯前盡停
障平安火在交河上涼州女兒滿高樓梳頭已
學京都樣

坐新雨夜

牆西泥三寸牆東草三尺可憐白鹿泉蛙龜紛
狼籍溼螢如隕星入戶黏几席病夫本嗜睡況
此風雨夕永懷灤西寺夏憶山南驛陳迹不可
追昏然墮吾幘

又

簷高雨聲壯堂豁霧氣入飛螢照畫棟相逐光
熠熠向來經春早蒼耳暗原隰微官又厚責撫
事百憂集三日雨不休四野苗盡立登高息賦
詩簿書縛人急

焚香晝睡比覺香猶未散戲作

小屏煙樹遠參差吏散身閒與睡宜誰似爐香
念幽獨伴人直到夢回時

又

燕梁寂寂篆煙殘偷得勞生數刻閒三疊秋屏
護琴枕臥遊忽到灤西山

仲夏小旱方致禱忽大雨連日江水爲漲
喜而有作

旱苗垂槁歎何堪大雨誰知變立談翠麓青林
吞欲盡惡風白浪戰方酣江翻龜窟連雲澤雷
挾龍腥起雪潭從此年豐真少事炷香終日坐
蒲龕

冒雨登擬峴臺觀江漲

雨氣分千嶂江聲撼萬家雲翻一天墨浪蹴半
空花噴薄侵虛閣低昂泛斷槎壯遊息夙簪
醉下三巴

不雜庭草

露草煙蕪與砌平
羣蛙得意亂疎更
微涼要作安眠地
放散今宵鼓吹聲

蛺蝶詞

蛺蝶子去復來
草長齊腰花亂開
蜜蜂辛苦爲人計
林鷺百轉胡爲哉
嗟爾蛺蝶獨得意
飛來飛去無嫌猜
追花逐絮闌干角
人生安得如汝

樂

大雨踰旬既止復作江遂大漲

牆角蚊雷喧甲夜
溼星昏昏出雲罅
臨堂仰占久歎咤
懸知龍君未稅駕
行人困苦泥沒胯
居人悲啼江入舍
便晴猶可望秋稼
努力共禱城南社

又

一春少雨憂旱暵
熟睡湫潭坐龍嬾
以勤贖嬾護其短
水浸城門渠不管
傳聞霖潦千里遠
榜

舟發粟敢不勉空村避水無雞犬茆舍夜溪螢

火滿民家避水多依丘阜以小舟載米賑之大軍坐饋餉以健觀餉

燒丹示道流

管燒火藥青牛谷磊落玉床收箭鏃扶桑朝暎
謹火候仙掌秋露勤沐浴帶間小瓢鬼神衛異
氣如虹夜穿屋點成黃金棄山海揮手人間一
裘足明年服丹徑仙去洞庭月冷吹橫玉相逢
只恐驚倒君毛髮毳毳坐地綠大

書感

半世狂疎踐駭機算年持此欲安居會憑香火
消前業已築茆茨訟昨非余村居築小軒以昨非名之薄俗
慣看翻覆手憂心空復倒顛衣煙簑雪笠家風
在送老湖邊一釣磯

大夏夏曰小民負書笑矣中蘭亭公詩

病退身初健時清吏夏休渴蜂窺硯水慵燕息
簾鉤碁局每坐隱屏山時臥遊真成愛長日未

用憶新秋
 每坐鸞峯山
 海月遊真如
 變身白未
 蘇東坡寄統
 謝部尚書
 更不問
 蘇東坡
 大兒挈藥囊
 小兒負書笈
 共作蘭亭遊
 詎必群
 賢集言此
 二十年白首
 終未踐汝
 復守荆扉
 經年不相見
 楚越天
 一涯書疏
 何由頻
 諸弟亦可
 憐說兄輒
 酸辛江城
 秋尚遠
 桐葉落
 可埽悵
 然懷故谿
 菱絲雨中
 老

自訟

家弊須微祿
 年衰尚遠遊
 未逃朋友責
 夏遣吏
 民羞采藥
 思長往
 傳書却小
 畱微風入
 桐葉分
 我一簾秋

夏日晝寢
 夢遊一院
 閒然無人
 簾影滿堂
 惟燕蹋箏
 弦有聲覺
 而聞鐵鐸
 風響璆然
 殆所夢也
 邪因得絕
 句
 桐陰清潤
 雨餘天
 簷鐸搖風
 破晝眠
 夢到画堂
 人不見
 一雙輕燕
 蹴箏絃

人不虛堂雙彈燕燕華絲

暑氣虛堂一點無爽如秋露貯冰壺滄州未遽

浮舴艋碧井聊聽放轆轤肅肅清風生薤簞酣

酣美睡付紗幪惱人不奈奴兵輩環抱文書待

日晡江西率以申初治文書至算夜乃已

夢仙夢朝謁大宮殿仰視去天甚近星皆大如月氣候清寒如十月間時庚子

只宜六月一日也

中宵遊帝所廣殿綴仙官天逼星辰大霜清劔

珮寒賦詩題碧簡待宴跨青鸞惆悵塵緣重夢

殘夏未殘麻雞

自嘲

夜作看花夢朝賦飲酒詩吾夢固忘矣詩亦聊

自欺荒園無佳花牽牛漫疎籬給酒月四斗官僕

酒月止四斗耳一觴難屢持悲歡有定數未至誰得知

願從大鈞問一笑在何時

燕燕長歌行

燕燕尾涎涎橫穿乞巧樓低入吹笙院鴨鴨鶩
唼唼朝浮杜若洲算宿蘆花夾嗟爾自適天地
間將儔命侶意甚閒我今獨何爲一笑乃爾慳
世上悲歡亦偶然何時爛醉錦江邊人歸華表
三千歲春入篋篋十四絃吾夢固忘矣昔亦聊

對酒

簷鐸鳴雜珮簾旌動微波我老嬾讀書如此長
日何名酒來清江嫩色如新鵝奇菹映玉盤珍
鮓開綠荷萬事姑置之適然酣且歌宦遊何
好且復小婆娑秋風雲門道踏月捫青蘿

自詠

夢歸不恨故山淡霜雪今年已滿簪報國有心
身潦倒養生無術病侵尋晨興聊取經遮眼夜
坐時憑易洗心安用夏爲迓暑飲虛堂三復自
蕭森

夏日睡起

簾紋似秋水。含風感微漪。帳幅如春煙。縹緲不受吹。團扇墮枕邊。皎皎素月暉。非睡復非覺。心定息自遲。茶熟我亦起。寒泉掬珠璣。浮瓜空把玩。甚矣今年衰。
清境歷

所居堂極涼。雖三伏常有秋意也。偶得長

句

高棟虛簷六月涼。野人誰遣寄華堂。炎威自避重重幙。清吹時生曲曲廊。白苧出箱開疊雪。甘瓜隨刃落輕霜。憑誰為報金羈客。滿帽京塵有底忙。

雨後露坐小酌

閉門誰與樂。頽年旋掃桐陰近。酒邊病久一春稀。見蝶雨多六月始。聞蟬官倉求飽真。聊爾山墅懷歸每惘然。從此讀書仍復嬾。惟畱白眼望

青天

日算南窗納涼

冠蓋塵沙得我憎脫巾聊喜髮鬢髻素娥東踊
 行空濶清吹南來掃鬱蒸團扇正閒看破墨矮
 牀欵臥怯文藤扁舟歸去應尤樂莫羨金盤賜
 苑冰熱雨交六月故聞融官舍來瞻真嶼兩山
 閉門中夜起登堂北小亭劍立西巖臥入一春
 幽人曳杖上青冥掠面風輕宿醉醒朱戶半開
 迎落月碧溝不動浸疎星禽聲格磔頻移樹花
 影扶疎自滿庭歎息明年又安往此身何啻似

浮萍

浮萍寄水白頭泉上

芙蓉登擬峴臺

顛顛思吳客淒涼擬峴臺一年秋欲到兩鬢老
 先催裊裊菱歌斷翩翩水鳥來倚闌哦五字未
 穩莫輕回

夜意

灑地移床曲檻前葛衣簫爽接羅偏庭空秋近
 露沾草月落夜闌星滿天靜待微風停素扇旋

消殘酒漱寒泉，翛然自與氛埃遠。安用騎鯨學水仙？
水仙遊未由，澗前菖水蕭爽。對鶴歸空，綠

道院遣興

微官不復嘆頭顱，高棟虛窗樂有餘。中夜墻鈴空際語，望秋庭樹月中疎。甌炊青飯畱巖客，露點朱毫勘玉書。猶恨未成歸剡曲，小舟閒采白芙蓉。
夜行至白鹿泉上

小雨病良已，新秋夜漸長。隔城聞鶴唳，出戶逐螢光。荒徑穿蒙密，遙空望莽蒼。泉聲落環珮，肝肺爲清涼。

堂中以大盆漬白蓮花，石菖蒲翛然無復暑意，睡起戲書。

海東銅盆面五尺，中貯澗泉涵淺碧。豈惟冷浸玉芙蓉，青青菖蒲絡奇石。長安火雲行日車，此間暑氣一點無。紗幮竹簟睡正美，鼻端雷起驚

僮奴覺來隱几日初午碾就壑源分細乳却拈

燦筆寫新圖八幅冰綃瘦蛟舞火雲日日車出

或東初秋面正只中報問泉也

溼螢相逐照高棟又見一年風露秋流落江湖

常踽踽掃平河洛轉悠悠簿書終日了官事尊

酒何時寬客愁擬倩天風吹夢去浩歌起舞散

花樓荒壑空蒙密

小雨書懷絕句

不到天台三十年草菴猶記宿雲邊老僧曉出

松門去手挈軍持取澗泉

又

憶過棲賢見蜀僧雲堂十月冷生冰定回菽菽

聞一作窗雪一椀琉璃照佛燈蜀僧左縣海辨也

又

丈人祠西山谷盤麻姑洞前松櫟寒仙翁欲覓

渺無處聞在青溪浴大丹仙翁謂譙先生

早佩黃庭兩卷經不應靈府雜羶腥憑君爲買
金鴉觜歸去秋山斲茯苓

未駕青鸞返帝鄉三江七澤路茫茫看山看水
無程數漁艇爲家芡作糧

公門狂吟

浮世何須宇宙名一狂自足了平生秋風湘浦

紉蘭佩夜月緱山聽玉笙學劍慣曾遊紫閣結
巢終欲隱青城年來自笑彌耽酒百斛蒲萄未

解醒

潭底垂龍喚不應驕陽似欲敗西成虛堂永夜

耿無睡起聽四郊車水聲

日初秋小疾効俳諧體

宿疾逢秋劇衰容逐日添專房一竹几列屋萬

牙籤

今年傳書頗多

遣悶憑清聖忘情付黑甜晚來風

月好一笑捲疎簾

非舊韻

雨後極涼料簡篋中舊書有感

日映小雨不至晡雨雖未足涼有餘細泉泠泠

咽幽竇清吹策策驚高梧笠澤老翁病蘇醒欣

然起理西齋書十年燈前手自校行間顛倒黃

與朱區區樸學老自信要與萬卷歸林廬爾來

世俗喜變古鑿空飾詐無根株愀然撫几三太

息力薄抱恨何由祛蘭臺漆書非已責且為籤

勝除蠹魚

坐次秋夜

湖海秋初到房櫳夜轉幽露濃驚鶴夢月冷伴

蛩愁生計依微祿年光墮遠遊巖灘已在眼早

晚放孤舟

去年欲自三衢舟行泛七里瀨歸山陰今竟當為此行也

鈔書

書生習氣重見書喜欲狂擣藥潢剡藤辛苦補

初南詩集

卷之十二

及古閣

散亡且作短檠伴未暇名山藏故家俗籤帙舊

友餉朱黃

俗書于王韓晁曾諸家而呂周輔宇文子友近寄朱黃墨

皇墳探

八索奇字窮三蒼儲積山崇崇探水海茫茫一

笑語兒子此是却老方

賦晚自白鹿泉上歸

每以詩酒作勝各有佳處

坐穴簾牀愧未能酌泉聊喜曳枯藤詩從病後
功殊少酒到愁邊量自增事業何由垂竹帛笑
談空覺負交朋興闌却逐棲鴉返寂寞西窗已

上燈

秋旱方甚七月二十八夜忽雨喜而有作

嘉穀如熱稗艸青沉憂耿耿欲忘生鈞天九奏

簫韶樂未抵虛簷瀉雨聲

秋日小雨有感

七月江邊暑已微虛窗臥看雨霏霏淒涼蛩伴

艸根語憔悴鵲從天上歸志士酒酣看寶劍美

人淚盡倚鴛機嗟予亦有新秋感遙憶蒼苔滿

釣磯盡倚巖巖對平水
書李商叟秀才所藏曾文清詩卷後
隴蜀歸來兩鬢絲
茶山已作隔生期
西風落葉秋
簫瑟淚灑行間讀舊詩

蕭暗碧海行

碧海如鏡天無雲
衆真東謁青童君
九奏鏗鏘洞庭樂
八角森茫龍漢文
共傳上帝新有詔
蚩尤下統旄頭軍
徑持河洛還聖主
夏度遼碣清

妖氛幽州螳垤一炬盡
安用咸陽三月林
藝祖騎龍在帝左
世上但策雲臺勲

莫道院遣興

滿鏡新霜老可驚
十年煙隴廢春耕
黃絲黑黍有歸夢
白髮蒼顏無宦情
浮世不堪供把玩
安心隨處是修行
尚嫌未到無爲地
酷愛朝鐘暮

磬聲

密夜酌

初月詩

遙夜澆愁賴麴生燈前忽見臥長瓶比紅有句
狂猶在染白無方老已成園徑露螢粘溼艸墻
簷風鐸亂疎更悲秋要是騷人事未必忘情勝
有情
滿堂言懷
莫笑生涯似斷蓬向來諸俠避豪雄報仇使氣
風塵裏吹竹彈絲錦繡中樂事眼看成昨夢倦
遊心伏作衰翁論交尙喜筇枝在白鹿泉邊遡

晚風

送客城西

倦客憑鞍半醉醒秋光滿眼歎頽齡日斜野渡
放船小風急漁村攤網腥客息不堪聞斷雁詩
情彊半在郵亭歸來更恨城笳咽烟火昏昏獨
掩屏

雨夜

庭院蕭條秋意淡銅爐一炷海南沉幽人聽盡

芭蕉雨獨與青燈話此心

病中作

浮世寄酣枕勞生居漏船已悲身老大夏著病

沈綿親舊動千里歡娛無百年牀頭周易在端

擬絕韋編

社日小飲

社日西風吹角巾一尊彊醉汝江濱杏梁燕子

還堪恨歸去匆匆不報人

晚到東園

岸幘尋青士憑軒待素娥官身苦日短荒圃得

秋多醉眼輕浮世羈懷激浩歌功名從蹭蹬詩

酒且婆娑

秋晚登擬峴望祥符觀

放翁局促畱江干愛此樓前煙水寬雨昏回望

殿突兀秋晚剩覺山蒼寒中原未復淚橫臆故

里欲歸身屬官雲外飛仙故不遠喚渠小為駐

青鸞

秋思

黃落梧桐覆井牀
莎根日夜泣寒螿
老生窺鏡鬢成雪
俊鶻掣鞬天欲霜
破虜誰持白羽扇
從軍曾擁綠沈槍
壯心自笑何時豁
夢遶祁連古戰場

病目廢書終日危坐

肺渴常止酒
目昏復捐書
蒲團坐袖手
一窗寬
有餘心知世緣薄
分與鐘鼎疎
湛然千仞淵
養此徑寸珠
光明照憂患
何適不自娛
白雲可與友
晴空閒卷舒

感管

常記東園按舞時
春風一架晚薔薇
尊前不展鴛鴦錦
只就殘紅作地衣

成都小東門外趙氏園

又

八陣原頭縱獵歸
割鮮籜草洒淋漓
誰知此夕

西窗裏一盞青燈獨詠詩

入陣原在成都廣漢之間

視陂至崇仁村落

津亭徙倚客衣單秋盡江南亦已寒雁翅不禁
疎雨溼楓林初染早霞丹少年已歎儒冠誤算
境更知行路難倦馬歸來踏殘日長吟聊得寫

憂端

北野馬上

客遊多感慨老病少歡欣去去穿村市翻翻吹

帽翥天低落平野雁遠入寒雲漸覺江城近秋

笳馬上聞

寄周洪道叅政

半生蓬艇弄煙波最愛三湘欸乃歌擬作此行
公勿怪胸中詩本漸無多

夢十又半世

菱舟煙雨久思歸貪戀明時未拂衣乞與一城
教睡足猶能覓句寄黃扉

添製北窗蒲扇與回書黃紙

白首微官只自囚青燈明滅北窗幽五更風雨
夢千里半世江湖身百憂壯志已孤金鎖甲倦
遊空攬黑貂裘灞亭夜獵猶堪樂敢恨將軍老
不侯

登擬峴

翠阜圍平野朱樓壓繚牆風回半汀雁雲護一
天霜有地聊容拙無方可療狂白頭詩興在吟

罷意差彊

休日

賜休暫許養衰殘靜院翛然晝掩關釀酒移花
調護悶弄琴洗硯破除閒與人多忤讒消骨報
國無功愧滿顏一寸歸心向誰說小屏依約刻

中山

別張教授歸獨登擬峴

小閣敞朱扉停車暫息機行人呼晚渡幼婦浣

秋衣霜樹歆危堞風鴉滿落暉登臨客愁裏況
是送將歸

中山晚晴至索笑亭

中年苦肺熱贖喜見新霜登覽江山美經行艸
樹荒堂空響棋子盞小聚茶香興盡扶藜去斜
陽滿画廊

新釀熟小酌索笑亭

新酒黃如脫殼鵝小園持盞暫婆娑文章不進
技止此仕宦忘歸人謂何宿業簿書昏病眼夢
遊煙雨溼漁簑醉中笑向兒童說白髮今年添
幾多

乾道初予自臨川歸鍾陵李德遠范周士
送別于西津是日宿戰平風雨終夕今自
臨川之高安復以雨中宿戰平悵然感懷
故人已作山頭土倦客猶鄣陌上塵十五年間
真一夢又騎羸馬涉西津

真一又又

十五年前宿戰平長亭風雨夜連明無端老作
天涯客還聽當時夜雨聲

村舍小酌

野性安衡茅傑屋愁兢兢上不補縣官下有肉
食慙雖非策雲驥實鄙作繭蠶失計不容悔漁
簑換朱藍少壯尚可力老大真難堪今朝意頗
豁村舍寄半酣玉版烹雪筍金苞擘霜柑豈惟
寫我憂亦以稅我驂弄筆作一笑何用與客談
逡巡上車去溼翠浮煙嵐

白塢道中

小疾載臥輿獨飲亦薄醉朝離戰平館午過白
塢市清寒正空嬾搖兀更益睡所嗟下程早不
得究此味忽憶從軍時雪夜馳鐵騎壯心誰復
識撫事有餘愧

亭對宿城頭鋪小飲而睡

亭傳臨江許牀敷息我勞屋茅殘月冷庭樹北
 風塵虛市饒新兔村場有濁醪氣衰仍病著小
 飲不能豪
 會市豐城村落小憇了更益輕便知不覺早不
 霜信催寒力尙微郵亭繫馬旋添衣平郊極目
 冬耕遍小婦蓂花晚餉歸孤宦每隨征雁遠故
 人已似曉星稀上書自効真須猛菰正堪炊蟹
 正肥

未公再題

柴門數頃秋半日為遲畱老驥厭伏櫪飢鷹思
 下韝野橋危欲斷山雨落還收何許丹青手端
 能寫此愁

發豐城縣

豐城古縣已再遷出郭十步江渺然冷雲四合
 欲下雪柔櫓數聲初放船孤村燈火照破驛客
 子何以娛今夕不辭金盃醉十分要看玉花淡

一尺以與今夕不輸金盃細十金更香玉出寒
將不豐城高安之間憇民家景趣幽邃爲之慨
豐然懷歸再出涼十卷五孤然令雲四合
數家聚雲根細路入叢薄濺濺石渠水來往一
略約有無鄰里通笑語婦子樂濁醪時相就青
蔬缺鹽酪日暮歸閉門績火星煜爚先期畢租
稅老不入城郭嗟予獨何事早挿紅塵脚故山
未成歸悵望有餘怍

寄奉新高令

夜宿華嚴寺人扶到上方喚僧同看画避佛旋
移牀小雨不成雪烈風還作霜鍾殘燈漸暗跌
坐默焚香

寄奉新高令

小雨催寒著客袍艸行露宿敢辭勞歲飢民食
糟糠迂吏惰官倉鼠雀豪只要閭閻寬筆楚不
須亭障肅弓刀九重屢下丁寧詔此責吾曹未

易逃朝諫戶以尺重翼不下寧臨此責吾曹未

懣懣高安州宅三詠首豪只要問國實垂萎不

小雨對丹井神仙李八百煉丹處

丹成人已仙遺竈亦已平尚餘松根井鏘然環

玦聲我來試一啜槁面還童嬰祝君勿關鑰人

人遣長生井有闌楯護之

交面學劔池李八百洗劔處

我壯喜學劔十年客峨岷毫髮恐未盡屠釣求

隱淪今年獨何幸見此度世人夜淡來較術雷

雨戰江津

偃松

巨松偃青蓋閱世歸獨存頗疑古仙翁藏丹在

其根或是結靈藥百尺有伏竈終隨風雨化不

死何足言

與高安劉丞遊大愚觀壁間兩蘇先生詩

野性縱壑魚官身墮穿虎適得建溪春頗憶松

下簫微霜初變寒短景已過午佳客能聯翩老
 宿相勞苦懷哉兩蘇公去日不可數泉扃土埋
 玉世事幾炊黍吾儕生苦晚佇立久惻楚尚想
 來遊時黃鍾賡大呂

耳外野青蓋聞世竊聞古山餘燕民耳

雨暉玉事

劍南詩彙卷第十三

劍南詩彙目錄

卷第十三

宿黃僊觀兵火焚蕩之餘惟一殿突兀猶
 在黃僊蓋與許旌陽同時飛昇者 玉隆
 得丹芝 贈西山老人 病酒宿土坊驛

十一月十七日蔬飯驪嶺小店土進賢

驛感懷 入臨川境馬上作 別楊秀才

發臨川 早行 白干舖別傳用之至

簿過茱萸舖青松朱戶前臨大道絕似

西陸亭驛悵然有作青溪道中行古松

間因少畱淪茶而行弋陽縣江上書觸

目只乾封驛早行步過江山縣浮橋有感

衢州早行書懷 杭頭晚興 首二 行至

嚴州壽昌縣界得請許免入奏仍除外官

感恩述懷 桐廬縣泛舟東歸 予欲自

嚴買船下七里灘謁嚴光祠而歸會灘淺

陸行至桐廬始能泛江因得絕句 首二 漁

浦 首二 蕭山 辛丑正月三日雪 正月

二十八日大雪過若耶溪至雲門山中

雪中登雲泉上方 衝雪至餘慶覺林雪

連日不止 大雪歌 雪霽歸湖上過千

秋觀少畱 二月四日作 新築山亭戲

作 春晴出遊 題山家壁 春晚風雨

中作 北窗 山中晚興 夜登山亭

西村醉歸自詠中間頗有四方之志

偶得長句遣興首二醉題小園首四

步虛首四醉中登避俗臺立秋前三日

夜坐庭中偶賦南堂臥觀月夜坐獨

酌中夜興月夜泛小舟湖中三更乃歸

無題首二自山中夜行還湖上大風

新秋月夕睡起獨吟有懷建康叅政

病瘧後偶書秋日聞蟬感秋南

軒夜坐新涼書事聞蟬思南鄭

憶昔病中夜興秋夜謝張時可通

判贈詩編酬莊器之賢良見贈舟過

樊江憩民家具食舟中作九月三日

泛舟湖中作霜天晚興九月六日小

飲醒後作書悲首二中夜起出門月露

浩然歸坐燈下有賦新寒幽居醉

中步月湖上圖東村山西村題張幾仲

所藏醉道士圖首二 山園艸間菊數枝開

席地獨酌湖村月夕首四 春卯酒徑醉走

筆墨山中望籬東楓樹有懷成都門暮秋

有懷王四季夷書幽居興有懷日對酒小

初冬書晝寢夢一客相過若有舊者夷粹

可愛既覺作絕句記之書歎觀督下麥

雨中夜歸書霜曉肩輿行湖上書杜門感

橫塘書書事寄良長老書食齋十韻書冬

暖頗有春意追憶成都笱遊悵然有作

忽忽醉書山亭壁十月旦日至近村

蔬圃絕句首七 冬夜不寐至四鼓起作

此詩 蔬圃 夢中作 村居酒熟偶無

肉食煮菜羹飲酒 辛丑十月諸公餽酒

偶及百榼戲題長句 灌園 幽居 日

出入行 午醉徑睡比覺已甲夜矣書簡

蘇訓直判院莊器之賢良書醉眠曲書冬

夜首二直夜話贈華師賀臥病書懷曲病中

絕句首六蔬園雜詠首五癸卯飲醉臥枕上

有賦首二盡遣靈同幽吾自

肉食黃菜羹癸酉辛丑十月齋公贈

此情蔬圃夢中於林居幽隱周燕

蔬圃詩同首冬交不寒至四遠賦我

忽忽細書山亭壑十月旦日至也林

劍南詩彙目錄卷十三終

劍南詩彙卷第十三大真西賦與武一日贈西

宿黃僊觀兵火焚蕩之餘惟一殿突兀猶

在黃僊蓋與許旌陽同時飛昇者

拔宅翛然上碧虛神僊豈亦愛吾廬重門不改

雲山色古殿猶存劫火餘翠木蕭森高蔽日黃

冠貧窶自畦蔬殘年安得長來此一椀松肪讀

隱書讀自西山神正立

玉隆得丹芝去辭送仲之弟歸雲平山

何用金丹九轉成手持芝艸已身輕祥雲平地
擁笙鶴便自西山朝玉京

生世不把筆殘年惟灌園貧春來竝舍賣畫到
前村勤苦供租稅清貧遺子孫從來棲遁志剩
欲與翁言

病酒宿土坊驛

少時見酒喜欲舞老大畏酒如畏虎一日飲酒

三日病客路那堪夜聞雨雨聲蕭蕭宿空堂不
寐始知更漏長賣藥思從伯休隱愛花却笑拾
遺狂

十一月上七日蔬飯驪嶺小店

新杭炊飯白勝玉枯松作薪香出屋冰蔬雪菌
競登槃瓦鉢羶巾俱不俗曉途微雨壓征塵午
店清泉帶脩竹建谿小春初出碾一碗細乳浮
銀粟老來畏酒厭芻豢却喜今朝食無肉尙嫌

車馬苦縻人會入青雲騎白鹿
博食無肉尚兼

進賢驛感懷
明日當歸至臨川

環走幾千里馳歸亦再旬
征途饒感慨訟牒費

精神風雪常欺客文章本誤身
小詩無傑息猶

得當吟呻且止十日蔬
雞鵝黃小古

入臨川境馬上作

投老縻身薄領間却因馬上得
偷閒兼旬敢恨

常為客一飯何曾不對山
銅鏡無情欺白髮霜

風有力散酡顏今宵要看浮橋月
儘放征駢晚

入關

別楊秀才

歲暮江頭又語離淡煙衰艸不勝悲
俗人憒憒

寧知子心事悠悠欲語誰燈暗想
傾澆悶酒路

長應和贈行詩人生但要身彊健
一笑相從自

有時

發臨川

見客道傍店添衣江上村陂長風浩浩山遠霧
 昏昏虛日人聲合凶年菜色繁扶衰歸北闕何
 以報君恩行將入主國要復獻斬一突謝終自
寧味早行事欲欲始請請登部賦賦與問國
 江路迢迢馬首東臨川一夢又成空日高未泫
 晨霜白風勁先消卯酒紅山市人經飢饉後孤
 生身老道途中著身穩處君知否射的峰前臥
 釣蓬小婿調爾今宵要清我歸月謝效新機

謝林白干舖別傳用之主簿

我行忽百里送客亦已空傳子獨眷眷且莫隨
 此翁謝之不肖去瘦馬衝北風泥濺及馬臆霜
 飛逼裘茸茅店得小語慨然念年凶不作兒女
 悲道義相磨礮我歸亦何為魚鳥愁池籠君乃
 臺閣人鸞鳳儀笙鏞若耶遶青山子艸堂在天
若耶溪上
 祿摩蒼穹此別各努力出處何必同

過茱萸舖青松朱戶前臨大道絕似西陞

亭驛悵然有作
柴萸小驛夕陽愁搔首臨風感舊遊
渾似軍行散關路但無鼓吹動涼州
青溪道中行古松間因少畱淪茶而行
露溼青松細細香旋呼拄杖踏斜陽
三生舊發遊山願一卷新傳辟穀方
雲外未論笙鶴近塵中實厭簿書忙
拾樵汲澗俱清絕聊爲煎茶一據牀

山家弋陽縣江上書觸目

劉惡

縣前奇哉一江水日暮風吹碧鱗起
客恨征塵忽如洗不用金篦刮眸子
丹楓岸邊雪色蘆下有老翁方捕魚
欲求妙息貌畫圖王維鄭虔今世無

乾封驛早行

已巳被驛書乙亥戒徂兩扶衰犯霜露
疲憊不可狀夜行星滿天晨起雞初唱
槁枝燒代燭凍

菜撿供餉三年走萬里天幸苟亡恙淡知賦材
薄自笑得名妄宣溫望玉座何以待諮訪春江
色如藍歸舟行可榜

世無過江山縣浮橋有感

堪笑行人日日忙又扶衰病過浮梁灘流急處
水禽下桑葉空時村酒香枯枿敢懷貪雨露飢
鴻自憫犯風霜宦途商略無安處早晚歸耕剡
曲笏

昨日衢州早行書懷
隣雞已三號殘燭無一寸參差發行橐迢遞望
前頓滿靴霜若雪破面風抵刃敢辭行路難漸
喜京邑近少年奉朝請親見堯授舜飄然如脫
葉蹭蹬垂七閩風埃暗征袍歲月集衰鬢餘生
迫歸休周行愧英俊

杭頭晚興

嚴州

山色蒼寒野色昏下程初閉驛亭門不須更把

澆愁酒行盡天涯慣斷魂
閑尋亭閣不飲更誰

薄自又與興

落葉孤村晚下程
癡雲殘日半陰晴
篝爐火煖

牀敷穩臥聽黃鴉
穀穀聲嘶
日暮寒蟬

喜京行至嚴州壽昌縣界
得請許免入奏仍除

前外官感恩述懷
山風壯
文翰
行

曉傳尺一到江村
拜起朝衣
漬淚痕
敢恨帝城

如日遠喜聞天語
似春溫
翰林惟奉還
山詔湘

水空招去國魂
聖主恩深何力報
時從天未望

修門

桐廬縣泛舟東歸

桐江艇子去乘月
笠澤老翁歸
放慵一尺輪
困

霜蟹美十分
湫澗社醅濃
宦遊何啻路
九折歸

臥恨無山萬重
醉裏試吹蒼玉
笛爲君中夜舞

魚龍

予欲自嚴買船下
七里灘謁嚴光祠而歸

會灘淺陸行至桐廬始能泛江因得絕句
 客星祠下渺煙波欠我扁舟舞短蓑不為窮冬
 怕灘惡正愁此老笑人多蒼王留漁舟交轅
 又十令熾蠻却部數宮並回管祖火神龍
 桐廬縣前艣聲急蒼煙茫茫白鳥雙亂山日落
 潮未落勝絕不減吳松江

劍門漁浦

桐廬處處是新詩漁浦江山天下稀安得移家
 常住此隨潮入縣伴潮歸

又日二十六日大雪出苦甲劍至雲門山

漁翁持魚叩舷賣炯炯綠瞳雙臉丹我欲從之
 逝已遠菱歌一曲算江寒

蕭山

素衣已免染京塵一笑江邊整幅巾入港綠潮
 深蘸岸披雲白塢遠招人功名姑付未來劫詩
 酒何孤見在身會向桐江謀小築浮家從此往

來頻必良其會向師心指少樂家到出

采蕪辛丑正月三日雪入山谷故村未未結霜

開歲尚殘冬佳哉雪意濃潤歸千里麥聲亂五

更鍾簾隙收初密牆隅積已重龍團笑羔酒狐

腋襲駝茸危檻臨欹竹幽窗聽墮松忽息西戍

日憑堞待傳烽子從戎日嘗大雪中登興元城上高興亭待平安火至

正月二十八日大雪過若耶溪至雲門山

山中

山中看雪醉騎驢清賞真成十載無高壓孤峰

增峭絕斜傾叢竹失枝梧松肪火暖眠僧榻芋

糝羹香擁地爐病骨雖癯猶健在未應遽作臥

遊圖

雪中登雲泉上方

滃滃雲堆上茫茫雪海中煎茶誇坐客打竹課

蠻童水谷鳴飢鶴煙汀立斷鴻歸來更堪喜葑

火滿爐紅僧以葑為火

火銷衝雪至餘慶覺林雪連日不止

策蹇清吟涉若耶灞橋猶恨近京華山前手頃
誰種玉座上六時天散花林雀無聲溪釣斷炊
煙不動竹籬斜勝遊更覺平生少未羨銀河泛
客槎

對策大雪歌
若耶溪頭朝暮雪鴉鵲墮死長松折橫飛忽已
平展齒亂點似欲粧簾纈放翁憑閣喜欲顛摩
娑拄杖向渠說莫辭從我止嗟峨此景與子同
清絕銀盃拌蜜非老事石鼎煎茶且時啜題詩
但覺退筆鋒把酒未易生耳熱扶衰忍冷君勿
笑報國寸心堅似鐵漁陽上谷要一行馬蹄蹴
踏河水裂

雪霽歸湖上過千秋觀少畱
縱轡不嫌遠逢山猶一登夕陽陂渺渺殘雪堆
層層折竹橫遮道飢鳥下啄水欲歸還小駐倚

杖對峻嶒謝
嶺巖高下
澗水浴龍
影小埭尚
嶽巒二月四日作
餅一登夕
思如海
風雲會
早春風力已輕柔
瓦雪消殘玉半溝
飛蝶鳴鳩
俱得意東風應笑我閒愁

笑辨新築山亭戲作
巖巒上谷粟一竹
黑湖嶽
危檻凌風出半空
怪奇造化欲無功
天垂繚白
縈青外人在紛紅
駭綠中日月匆匆
雙轉轂古
今杳杳一飛鴻
酒酣獨臥林間石
未許塵寰識

此翁

春晴出遊
巖巒上谷粟一竹
黑湖嶽
一春彊半病頗廢
山澤遊今晨忽良已
風日亦
清柔朝食具冷餅
瘦骨辭重裘
穉荷出溝港
芳杜滿汀洲
勿言酒苦薄
一笑失百憂
且當詠尋
豁詎必賦登樓

題山家壁

山中無傳漏
猿鳴知旣夕
芳藤上幽援
素月照

高壁主人殊喜事歡若有夙簪稚子繁竹繁炊
黍持餉客卜隣雖未辨清嘯聊自適衰病久廢
詩筆端歎荆棘

北窗春晚風雨中作
箕踞藜牀岸幅巾何妨病酒住湖濱駕風浪作
連三日掃地花空又一春樂事清宵當秉燭畏
途平地有摧輪頽然耐辱君無怪元是人間澹
蕩人

北窗

九陌黃塵早莫忙幽人自愛北窗涼清吟微變
舊詩律細字閒鈔新酒方艸木扶疎春已去琴
書蕭散日初長破羌臨罷楮頤久又破銅匱半
篆香

山中晚興

薄酒亦陶然偃蹇澗石側巾墮拄杖橫意象頗
自得青山受落日忽作玻璃色躊躇不忍去下

金百言
十一
澄天已黑

夜登山亭

飛觀崢嶸天宇寬
幽人半醉凭闌干
三山渺渺鸞鶴遠
七澤茫茫蓑笠寒
清吹拂林橫玉笛
紫雲覆鼎熟金丹
童顏綠鬢無人識
回首塵寰一夢殘

西村醉歸

俠氣崢嶸蓋九州
一生常恥爲身謀
酒寧剩欠

尋常債劔不虛施
細碎鱗

見孟東野詩

岐路凋零白

羽箭風霜破弊黑
貂裘陽狂自是英
豪事村市歸來醉跨牛

自詠

三十年前接俊遊
卽今身世寄滄洲
狸聲不辨諧韶護
算氣寧能徹斗牛
綠酒可人消永日
黃鸝多事管閒愁
吹笙跨鶴何時去
剩欲平章太

華秋

華燈間中頗有四方之志偶得長句

世論紛紛枉見仇吾身自計本悠悠讀書漸嬾
惟思睡壓酒初成不怕愁蜀棧冷雲侵瘦馬楚
江籠月繫孤舟興來會作飄然去更續騷人賦
遠遊自痛

體來遣興中

綠髮凋零白髮多山林未死且婆娑無端忤俗
坐狂耳甚欲讀書如嬾何雨過亂篔簹堆野艇月
明長笛和菱歌此中得意君須領莫愛車前印

幾窠

小園又

遠簷新葉著啼鶯睡起東窗一榻橫愁衮衮來
疑有約春堂堂去恨無情鶻飛局上新棋勢龍
吼牀頭古劔聲莫歎柴荆無客到綠尊還對算
山傾

大山醉題

初有詩集

坎止流行五十秋。曾中不解著閒愁。浩歌野渡
 驚雲起。狂舞空庭挽月留。性本自然憎截鶴器。
 非大受愧函牛。平生最愛嚴灘路。早晚貂裘換
 釣舟。春堂堂去外無計。歸深員土薄。其楚前
 袁營小園。管帶鸞。翅。出。東。窗。一。樹。黃。愁。交。交。來
 小園煙艸接隣家。桑柘陰陰一徑斜。臥讀陶詩
 未終卷。又乘微雨去鋤瓜。

歷盡危機歇盡狂。殘年惟有付耕桑。麥秋天氣
 朝朝變。蠶月人家處處忙。

又

村南村北鵝鳩聲。水刺新秧漫漫平行遍天涯。
 千萬里却從隣父學春耕。

又

少年壯氣吞殘虜。晚覺丘樊樂事多。駿馬寶刀
 俱一夢。夕陽閒和飯牛歌。

其一步虛國間味增半烟
 微風吹碧海細細生龍鱗半醉騎一鶴去謁青
 華君歸來天風急吹我過緱山鏘然哦詩聲清
 曉落人間人仰視空浩浩遠孫白髮塵中老
 初見姬翁禮樂新千九百年如電掃百歲天到

又

瀛海日月淵蓬壺仙聖宅駕鶴一時遊海面日
 夜窄人生浮蜉耳一鬩瓦甕中天地廣如許誰

能發其蒙丹書千卷藏一塵子能求之勿從人
 晴窗趺坐春滿腹崑崙待得丹芝熟蔓蔓骨節

半初又
劉選

曩者過洛陽宮闕侵雲起今者過洛陽蕭然但
 荒壘銅駝臥深棘使我惻愴多可憐陌上人亦
 復笑且歌世事茫茫幾成壞萬人看花身獨在
 北邙秋風吹野蒿古冢漸平新冢高

一初又
其中雜出市人吾嫌其

一瓢小如繭芳醪溢其中醉此一市人吾瓢故
 無窮不言術神奇要是心廣大觴豆有德色笑
 子乃爾隘岳陽樓中橫笛聲分明為子說長生
 金丹養成不自服度盡世人朝玉京
人亦
 曩昔醉中登避俗臺雲致令香風谷則蕭然耳
 半醉行歌上古臺脫巾散髮謝氛埃但知禮豈
 為我設莫管客從何處來剡曲煙波菱蔓滑耶
 溪風露藕花開老來世事渾成嬾一擢幽尋未

擬回

山

立秋前三日夜坐庭中偶賦

湘山

絳闕清都侍宴還天風搖珮夜珊珊月輪桂滿
 蟾初冷星渚橋空鵲尚閒一鶴每臨雲雨上幾
 人虛老市朝間試將綠髮窺清鏡未愧僊姝玉

鍊顏

李文饒詩云河漢女玉鍊顏雲輶往往到人間

南堂臥觀月

河漢橫斜星宿稀臥看涼月入窗扉恍如北戍

梁州日睡覺清霜滿鐵衣
人窗異對吹冰水

夜坐獨酌

玉宇沉沉夜向闌
跨空飛閣倚高寒
一壺清露來雲表
聊爲幽人洗肺肝
鶴瘦龜飢與靜宜
更闌徙倚竝清池
月當三五初盈夜
河直西南欲落時
浩浩醉歌群鷺起
翩翾孤影角巾欹
飛僊授我青瑤簡
索賦山中夜

興詩

月夜泛小舟湖中三更乃歸

落日愁思把釣鈎
南隣俗得采菱舟
湖心月上明如晝
樹杪風生冷逼秋
壯歲功名慚汗馬
暮年心事許沙鷗
桐江一葉真奇策
莫爲兒曹作滯畱

無題

半醉凌風過月旁
水精宮殿桂花香
素娥定赴

瑶池宴侍女皆騎白鳳凰

又題

出繭脩眉淡薄粧
丁東環佩立西廂
人間浪作新秋感
銀闕瓊樓夜夜涼
細吹自山中夜行還湖上
火雲崢嶸水車鳴
行人畏熱不敢寧
蕭然一馬兩園丁
缺月照我影伶俜
荒鷄起早忽再唱
北斗低盡餘三星
扁舟菱歌正嫋嫋
叢冢鬼火何

熒熒迎人漸見鏡湖白
回首已失秦山青
道邊野店得小憩
一盃濁酒傾殘瓶
登盤絕愛畦韭美
輟釜未厭谿鱗腥
丈夫所要飽辛苦
文叔尙困蕪萋亭

大風

今年毒熱不可支
白汗如雨愁纖絳
皇天悔禍爲一洗
秋風作意來如期
聲如怒濤感坤軸
夜半折我南齋竹
幽人晨起得奇觀
鳳尾襪襪一

窗綠透南齋竹幽人晏臥新台購鳳身燿燿一

為一新秋風竹意來吹世聲收然壽想申蟀交

天河漸近鵲橋時一夜風吹斗柄移金井梧桐

元未覺画廊蟋蟀已先知青燈耿耿還相伴白

髮蕭蕭只自悲猶勝玉門關外客臥聽沙雁數

歸期

理月夕睡起獨吟有懷建康叅政

月上虛堂一榻橫斷香漠漠欲三更隔簾清露

挾秋氣繞樹驚鴉啼月明只怪夢尋千里道不

知愁作幾重城苦吟更恨知心少西望金陵闕

寄聲

病瘡後偶書

秋色已蕭然曲肱清夜眠孤燈欺病後薄酒慰

愁邊藥物從人乞文章畏客傳惟應一蓬艇湖

海送周年

秋日聞蟬

斷角斜陽觸處愁長亭搔首晚悠悠世間最是
蟬堪恨送盡行人更送秋

感秋

南山射虎漫豪雄投老還鄉一秃翁世味掃除
和蠟盡生涯零落併錐空秋驚蠹葉凋殘綠病
著衰顏失舊紅笠澤松陵家世事一竿惟是待

西風

南軒

今年秋早涼七月已蕭然南軒修竹下枕簟終

日眠時將半殘夢聽此欲斷蟬推枕起太息四

序忽已遷功名墮渺莽衰疾方沈緜新月獨多

情窺窗澹娟娟

夜坐

虛堂夜無寐顧影歎吟嬾露溼螢黏艸雲迷雁
落汀舊書開蠹簡濁酒倒殘甌流落知無感危
機實飽經

對寶新涼書事

臥看鳥篆印蒼苔
窗戶涼生亦樂哉
鳴樹亂蟬催日落
拂堦飛葉報秋來
病餘已覺身如寄
醉裏却憐心尚孩
排日從今占幽事
折殘籬菊探溪梅

聞蟬思南鄭
春寒未去
秋綿薄
日嚴在
管在南鄭時
送客襄谷口
金羈叱撥駒
玉盃蒲萄酒
醉歸涉漾水
鳴蟬在高柳
回鞭指秦中
所懼壯心負
人生豈易料
蹭蹬十年後
蟬聲悅如管
而我已白首
逆胡亡形具
輿地淪陷久
豈無好少年
笑取印如斗

憶管

憶管浮江發
劔南夕陽船
尾每相銜
楠陰暗處尋
高寺荔子紅
時宿下巖
高寺在瀘州下
巖在雲安軍
硤口烹猪賽
龍廟沙頭
伐鼓挂風帆
區區陳迹何由

記惟有征塵尚滿衫

病中夜興

病瘧秋來久未平
艸堂遙夜不勝清
疾風遞響驚林葉
列宿收芒避月明
百計不能逃白髮
一生堪笑役虛名
釣車且作桐江夢
莫念安西萬里行
意管

秋夜

秋氣侵帷夢不成
一燈西壁翳還明
風高露井無桐葉
雨急煙村有雁聲
擊筑誰同燕市飲
賃春方作會稽行
從來自許知何等
堪歎江湖白髮生

謝張時可通判贈詩編

聖朝中興六十年
君家文武何聯翩
先生劒履冠麟閣
後嗣簪橐陪甘泉
流傳到君愈卓犖
投我千篇皆傑作
未分玉帳萬貔貅
且擅詩人一丘壑
爾來士氣日靡靡
文章光燄伏不起
君今已似驥籟雲
更看他年鯤擊水

酬莊器之賢良見贈

先朝六科親策士事業功名何壯偉元祐復科
 財數年所得四三俄復止中興思賢形夢想屢
 詔自是朝廷美純袴小兒壞人事賜帛西歸困
 嘲詆諸公相視歎才難一士臥雲誰挽起跨驢
 過我時笑語晁董千年元不死高談亶亶有脉
 絡橫得虛名吾可恥烏巾白紵塞路衢砥柱頽
 波望吾子

舟過樊江憩民家具食
 旅食何妨美蕨薇夕陽來叩野人扉蕭蕭短鬢
 秋初冷寂寂空村歲薦飢蓼岸刺船驚雁起煙
 陂吹笛喚牛歸詩情剩向窮途得蹭蹬人間未
 必非

舟中作

井魚別號殊不雅亦朝人語有此亦文人通病

斷岸飲觥觥清波跳噉啣紅橋未斜日白堦已
 昏鐘詩律與年邁客愁如酒濃宋公題壁處橫

靄抱孤峰 稱心寺有宋考功詩而予所未到望之慨然

九月三日泛舟湖中作

兒童隨笑放翁狂又向湖邊上野航魚市人家

滿斜日菊花天氣近新霜重重紅樹秋山晚獵

獵青帘社酒香隣曲莫辭同一醉十年客裏過

重陽 予自庚寅至辛丑始見九日于故山

霜天晚興

薄霜門巷不勝清小立湖邊夕照明紅顆帶芒

收晚稻綠苞和葉摘新橙閒評琴價畱僧話靜

聽松聲領鶴行壯志消磨渾欲盡西風莫動玉

關情

九月六日小飲醒後作

短劔悲秦俠高歌憶楚狂酒醒愁袞袞香冷夢

悵悵屋老垣衣茂池深石髮長地爐須早計衰

病怯新霜

今日書悲

今日我復悲，堅臥腳踏壁。古來共一死，何至爾
寂寂。秋風兩京道，上有胡馬跡。和戎壯士廢，憂
國清淚滴。關河入指顧，忠義勇推激。常恐埋山
丘，不得委鋒鏑。立功老無期，建議賤非職。賴有
墨成池，淋漓豁胸臆。

關詞又

丈夫孰能窮，吐氣成虹霓。釀酒東海乾，累麴南
山齊。平生搴旗手，頭白歸扶犁。誰知蓬窗夢中
有鐵馬，斯何當受詔。出函谷，封丸泥。築城天山
北，開府蕭關西。萬里掃塵煙，三邊無鼓鼙。此意
恐不遂，月明號荒雞。

中夜起出門，月露浩然歸。坐燈下有賦，
月白萬瓦霜。露重四山雨，開門忽驚歎。秋色已
如許，去蜀如昨日。坐閱四寒暑，無才屏朝蹟。有
罪宜野處，平生萬里心。收斂臥環堵，朱顏逝不
留。白髮生幾縷，人言尺蠖屈。要有黃鵠舉功名。

東村入

塘路東頭烏柏林，偶攜藤杖得幽尋。
桃源阡陌自來往，輞口雲山無古今。
遠浦過帆供極目，暮天橫雁入微吟。
歸來更覺愁無那，剩放燈前酒椀深。

西村

湖塘西去兩三家，杖履經行日欲斜。
處處水紋生細縠，蜿蜿沙路臥修蛇。
早餘蟲鏤園蔬葉，寒淺蜂爭野菊花。
老去郊居多樂事，脫巾未用歎蒼華。

題張幾仲所藏醉道士圖

千載風流賀季真，畫圖髣髴見精神。
邇來祭酒皆巫祝，眼底難逢此輩人。
八剎宮闈成畫景，一尊日醉大酒卮。
臥聽牀頭壓酒聲，起行籬下摘新橙。
一尊久欠敲門客，風味何人似麴生。

山園艸間菊數枝開席地獨酌

屋東菊畦蔓艸荒瘦枝出艸三尺長碎金狼藉
不堪摘掃地爲渠持一觴日斜大醉叫墮憤野
花村酒何曾擇君不見詩人跌宕例如此蒼耳
林中畱太白李真畫圖梁漢良辭軒窗來祭西

湖村月夕汎蕪湖意上圖

客路風塵化素衣閒愁冉冉鬢成絲平生不負
月明處神女廟前聞竹枝

又蘇官廳王四李真

錦城曾醉六重陽回首秋風每斷腸最憶銅壺
門外路滿街歌吹月如霜

又

金尊翠杓猶能醉狐帽貂裘不怕寒安得驂騑
三萬疋月中鼓吹渡桑乾

又

誰持綠酒醉幽人鶴氅筇枝發興新今夜湖邊

有奇事青山缺處涌水輪
蘇興濂今交賦數

卯酒徑醉走筆

少時憑酒剩狂顛
摘宿緣雲欲上天
才盡氣衰

空自笑一盃纔放已頽然

山中望籬東楓樹有懷成都

五門西角紅樓下一樹
丹楓馬上看回首
舊遊

如夢裏西風吹淚倚闌干
紅樓蜀王所作
在五門西南隅

莫秋有懷王四季夷

鏡湖西畔小茅茨
紅葉黃花秋晚時
天閣素書

無雁寄夜闌清夢有燈知
功名蹭蹬初何憾
朋

舊乖離未免悲
遙想扁舟五湖口
阻風中酒又

成詩

幽居

老子堪哈老轉癡
幽居喜及早寒時
芋魁加糝

香出屋菰首
芼羹甘若飴
菰首芼
白也
顛倒朱黃息

誤字縱橫黑白戲
拈棋此懷敢向今人說
骨朽

諸賢却見知
白道誰其此
對煙向今人
驚骨
香出有懷
羊羹甘苦
自也
煎言
黃思
筇杖斜斜倚
素屏北窗遙
夜冷如水何
時得與
平生友作字
觀書共一燈

太常對酒

醫從和扁來
未著却老方
吾晚乃得之
莫如麴
藥良一盃
臉生春況復
累十觴坐令
桃花紅換
盡霜葉黃
看鏡喜欲舞
追還少年狂
但恨寶釵

樓胡沙隔咸陽
芳華雖無恙
萬里遙相望

寶釵樓咸

陽旗亭也芳華樓在咸都合江園

感歎徑投枕
悲歡兩茫茫

初冬

鉏犁滿野及冬耕
時聽兒童叱犢聲
逐客固宜安散地
閒民何幸樂昇平
雪花漫漫蕎將熟
綠葉離離薺可烹
飯飽身閒書有課
西窗來趁夕

陽明

晝寢夢一客
相過若有舊者
夷粹可愛既

覺作絕句記之。幽谷有書香，爽軒可受鴻。

夢中何許得嘉賓，對影胡牀岸幅巾。石鼎烹茶

火煨栗，主人坦率客情真。

安婚書歎，只向幸樂具平靈。山對雲濤綠，絲

多病文園苦，滯留時時浩歎攬貂裘。縱無夜雨

何曾寐，不為秋風也自愁。今歲頓驚絲鬢改，此

生難繼錦江遊。欲談舊事無人共，日落鴉歸又

倚樓。

黃昏督下麥，雨中夜歸。颯然樂不演，其意微與。

細雨闇村墟，青煙溼廬舍。兩兩犢並行，陣陣鴉

續下紅稠水際蓼，黃落屋邊柘。力作不知勞，歸

路忽已夜。犬吠闐籬隙，燈光出門罅。豈惟露沾

衣，乃有泥沒胯。誰憐甫里翁，白首學耕稼。未言

得一飽，此段已可畫。

霜曉肩輿行湖上

去去出柴關，巾車古陌間。晨霜染丹葉，宿霧淡

青山登覽身猶健歌呼酒每慳殷勤鏡湖永聊

為照衰顏員與音賦上

詩一杜門明曰可書

寂寞山深處崢嶸歲暮時燒灰除菜蝗讀如橫字去聲

送芋謝牛醫笕水晨澆藥燈窗夜覆棋杜門君

勿怪遲莫少新知實歷語

雨橫塘

橫塘南北埭西東拄杖飄然樂未窮農事漸興定是春花

人滿野霜寒初重雁橫空參差樓閣高城上寂

歷村墟細雨中新買一簑苔樣綠此生端欲伴

漁翁是日偶買蓑衣甚妙

書事寄良長老

素屏烏几野人廬山色蒼寒十月初雨足四郊

耕欲遍霜高萬木脫無餘一簔窗下澆愁酒數

卷牀頭引睡書寄語住菴劉老宿不應隨俗向

人疎

食齋十韻

舍東種早韭生計似庾郎舍西種小菓戲學蠶
叢鄉惟齋天所賜青青被陵岡珍美屏鹽酪耿
介凌雪霜采擷無闕日烹飪有祕方候火地爐
煖加糝沙鉢香尙嫌雜筍蕨而況汗膏梁炊杭
及鬻麩得此生輝光吾饒實易足捫腹喜欲狂
一掃萬錢食終老稽山旁

冬煖頗有春意追憶成都笮遊悵然有作

濯錦江邊罨畫樓金鞭曾護犢車遊紛紛萬事
反乎覆落落一身淹此畱刻燭賦詩空入夢傾
家釀酒不供愁探春歌吹應如昨亦有匆儕記

我不

忽忽復悠悠頻驚歲月適若無船貯酒將奈斛

量愁列炬燕宮夜成都故蜀時燕王宮今屬張氏海棠爲一城之冠呼

鷹漢廟秋南鄭漢高帝廟子從戎時多獵其下周年莫多感夢境

付滄洲南嶼莫高帝禪子郎平莫冬海夢景

量涉醉書山亭壁東天萬掌為一池之景

物外陽狂五百年扁舟又繫鏡湖邊飛昇未抵

簪花樂遊宦何如聽雨眠綠蟻灑芳醞熟黑

蛟落紙艸書顛忽拈玉笛橫吹去說與傷人是

地仙西下於然許春相如熟吹竹亦律風齊唱

又平十月旦日至近村清波洲知清空人夢則

鴨腳葉黃烏白丹艸煙小店風雨寒荒年人家

鷄黍迳芋羹豆飯供時節村童上牛踏牛鼻吹

笛聲長入雲際今年雖飢却少安縣吏不來官

放稅南晉益州此西數孫琴西三姓貪清忘味

蔬圃絕句

擬種蕪菁已是遲晚松早韭恰當時老夫要作

齋盂備乞得青秧趁雨移盤勺煎豉更始睡起

又

百錢新買綠蓑衣不羨黃金帶十圍枯柳坡頭

風雨急憑誰画我荷鉏歸金帶十圍古味如

又

青青蔬甲早寒天想像登盤已墮涎更欲鉏畦
向東去園丁來報竹行鞭

又

瓦壘浮屠盆作池池邊紅蓼兩三枝貪看忘却
還家飯恰似兒童放學時

真想

又

小橋只在槿籬東溝水穿籬曲折通煙雨空濛
最堪樂從教打濕敗天公

又

衝雨衝風不怕寒晚來日出短蓑乾遶畦拾塊
真為樂莫作陶公運甓看

又

嬾隨年少愛花狂且伴群兒鬪草忙行遍山南
山北路歸時新月浸橫塘

山北冬夜不寐至四鼓起作此詩

秦吳萬里車轍遍重到故鄉如隔生歲晚酒邊
身老大夜闌枕畔書縱橫殘燈無焰穴鼠出槁
葉有聲村犬行八十將軍能滅虜白頭吾欲事
功名高麗有識云當有八十老將平之李英公實膺是識莫道老

蔬圃

山翁老學圃自笑一何愚
礪瘠財三畝勤劬賴
兩奴正方畦畫局微潤土融酥
翦闢荆榛盡鉏

犁磊塊無過溝橫略徇聚
甕起浮屠

拾園中瓦礫作小壚

隙地成瓜援餘功及芋區如絲
細生菜似鴨爛

蒸壺此事今真辦東歸不為鱸
百盞鱸魚回

萬年夢中作

拓地移屯過酒泉第功圖像上凌煙
事權皂纛兼黃鉞富賢金貂映玉蟬
油築毬場飛驪裏錦裁步障貯嬋娟
擁塗士女千層看應記新豐舊少年

少平村居酒熟偶無肉食煮菜羹飲酒

歌鳳俚俚類楚狂畏犧齷齷笑蒙莊著書幸可
俟後世對客從噴臥大牀三畝青蔬了盤筋一
缸濁酒具盃觴丈夫寤達皆常事富貴何妨食

萬羊

李文饒嘗遇異人云平生當食萬羊

蒸壺辛丑十月諸公餽酒偶及百榼戲題長句
喜事諸公尚見存尺書時到爵羅門已邀風月
成三友聊對湖山倒百尊醉墨淋漓動高壁狂

歌悲壯落前村悠然睡起西窗黑天點青燈又

斷魂

刻意灌園

少攜一劔行天下晚落空村學灌園交舊凋零
身老病輪困肝膽與誰論

幽居

破屋頽垣霧雨昏幽人終日掩柴門因鋤衰艸
通南阜偶洗叢篁見北村短褐奇溫等狐腋寒

疏脆美敵熊蟠冬來酒戶微增舊萬事應須付
一算。

日出入行

吾聞開闔來白日行長空扶桑誰曾到崦嵫不
可窮但見旦旦升天東但見算算入地中使我
倏忽成老翁鏡裏衰鬢成霜蓬我願一日一百
二十刻我願一生一千二百歲四海諸公常在
座綠酒金尊終日醉高樓錦繡中天開樂作画

鼓如春雷勸爾白日無西頽常行九十萬里胡
爲哉
去去午醉徑睡比覺已甲夜矣日知餘風急雨
自我歸城西已復再見冬雖未挂衣冠其實則
老農好事或餉酒石室酒最醲一醉輒至算臥
聞湖寺鐘心安病自除衾煖夢欲重化作孤鶴
去雲崦巢長松

簡蘇訓直判院莊器之賢良

行盡天涯白髮新
槿籬竹屋著閒身
讀書達旦
失衰病食菜終年安
賤貧正使寄聲無薛孟
不妨同里有荀陳
從今杖履時相過
花柳村村次第春
我車如鹵豎百室
西皇難一細神
至真烟自好
醉眠曲已真
再景冬雖未卦
交辰其實限老夫
算年少嗜好但願無事終日眠
斜風急雨勢方橫
低窗小閣且幽妍
爐紅酒綠足閒暇
橙黃蟹紫窮芳鮮
一盃一盃意忽倦
徑撥紙帳投

蠻氊鼻間鼾聲欲撼屋
手中書冊正墮前
不知投事白中聖
那惜門生嘲腹便
讀書萬卷晚乃悟
妙哉此訣祕不傳
是醒是醉人莫測
非夢非覺中了然
駸駸百年露電速
鼎鼎一世膏火煎
金丹九轉顧未暇
且向人間稱睡僊
冬夜
歲晚風霜惡
將如遙夜何
殘燈挑更暗
寒犬吠偏多
支枕成孤詠
懷人起浩歌
梅花不解飲
誰

伴醉顏酡。太極精神。對人。或。或。或。或。不。不。不。不。

忽忽又。雷。惡。非。收。法。交。向。發。似。將。更。部。寒。火。火。

忽忽流年恨悠悠。獨夜情向人燈欲語。遶舍露

如傾夢每輕千里愁。偏怯五更殷勤桑落酒好

為解餘醒。刻。刻。百。下。盡。雷。或。鼎。鼎。一。甘。膏。火。更。

夜話贈華師

少喜洛陽俠。今成衡嶽僧。深培地爐火。明照佛

龕燈。衰鬢晨霜白。禪心古澗澄。猶能遍參在。為

我買行滕

臥病書懷

袞袞年光挽不畱。即今已白五分頭。病中對酒

猶。息。醉。夢。裏。逢。人。亦。說。愁。青。海。戰。雲。臨。賊。壘。黑。

山飛雪灑貂裘。丈夫有志終難料。憔悴漁村死

即休

病中絕句

酒錢自管從人乞。詩思出門何處無。青筠織蓬

實情實語實獲我心

管織席此生端欲老江湖門可盡無青藜藟

又中夜回

半脫貂裘雪滿鞍慣將豪舉壓儒酸病來意氣
渾非昨一炷香煙帳底看

又

酒味醺人睡味濃午時高枕到昏鐘經旬不見
西窗日世上應無嬾似儂

又

造物今年憫我勞微病得遂閉門高黃紬被暖
青氈穩不怕郊原雪意豪

又

青熒猶有佛燈明點滴時聞竹露聲欲睡不成
還起坐麗譙風順報三更

又

少時談舌挾風雷病後逢人口嬾開安得東臯
隱君子相看無語只銜盃

少風味賴渠撐拄過凶年却食萬錢莫肯與

卯飲醉臥枕上有賦

天寒朝泥酒熟醉臥蓬窗雨勢平吞野風聲倒

卷江漁簑傲狐腋菜把美羊腔常笑潮陽守南

征畏下瀧韻衡草良女劉宜台西婦更覺出良

又

一榻臥空舍四山風雨聲病多書倚閣寒極酒

施行孤憤歌彌放端憂涕易橫群胡滿河洛志

士若為情

卷之十三

劍南

集卷第十三

終

